



ПРАВОСЛАВНЫЙ МОЛИТВОСЛОВ



Данилов мужской монастырь
Даниловский благовестник
Москва • 2013

УДК 271.2
ББК 86.372
П 11



РЕКОМЕНДОВАНО К ПУБЛИКАЦИИ
ИЗДАТЕЛЬСКИМ СОВЕТОМ
РУССКОЙ ПРАВОСЛАВНОЙ ЦЕРКВИ

ИС 10-13-1184

П 11 ПРАВОСЛАВНЫЙ МОЛИТВОСЛОВ. – М.: Даниловский благовестник, 2013. – 96 с.

ISBN 978-5-89101-499-2

Настоящий молитвослов удобен для чтения ежедневного правила и подготовки ко Святому Причащению. Накануне Причащения надлежит прочитать дома канон покаянный ко Господу, каноны Богородице и Ангелу Хранителю, которые в данном издании соединены в трехканонник.

«Господи, научи нас молиться!» – так просили апостолы, так воскликнем с ними и мы.

УДК 271.2
ББК 86.372

- © Данилов ставропигиальный мужской монастырь, составление, оформление, верстка, 1999
- © Религиозная организация «Данилов ставропигиальный мужской монастырь Русской Православной Церкви (Московский Патриархат)», составление, оформление, верстка, 2013

ISBN 978-5-89101-499-2

МОЛИТВЫ УТРЕННИЕ

Востав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:

Во имя Отца, и Сына, и Святаго Духа. Аминь.

Затем немного подожди, пока все чувства твои не придут в тишину, и мысли твои не оставят все земное, и тогда произноси следующие молитвы, без поспешности и со вниманием сердечным:

Молитва мытаря

(Евангелие от Луки, глава 18, стих 13)

Бо́же, мѣлостив бѹди мне грѣшному. (Поклон.)

Молитва предначинательная

Моли́твами святы́х оте́ц на́ших, Го́споди Иису́се Христе́ Бо́же наш, поми́луй нас. Ами́нь.
Сла́ва Тебе́, Бо́же наш, сла́ва Тебе́.

Молитва Святому Духу

Царю́ Небе́сный, Уте́шителю, Ду́ше и́стины, И́же вездѣ съи́и и вся исполня́яй, Сокро́вище благи́х и жи́зни Пода́телю, прииди́ и всели́ся

в ны, и очисти ны от всякия сквёрны, и спаси́,
Бла́же, ду́ши на́ша¹.

Трисвятое

Святы́й Бо́же, Святы́й Кре́пкий, Святы́й
Безсме́ртный, поми́луй нас.

*(Читается трижды, с крестным знаменем
и поясным поклоном.)*

Сла́ва Отцу́ и Сы́ну и Свято́му Ду́ху, и ны́не
и при́сно и во ве́ки веко́в. Ами́нь.

Молитва Пресвятой Троице

Пресвята́я Трои́це, поми́луй нас; Го́споди,
очи́сти грехи́ на́ша; Влады́ко, прости́ безза-
ко́ния на́ша; Святы́й, посети́ и исцели́ немо́-
щи на́ша, и́мене Твоего́ ра́ди.

Го́споди, поми́луй. *(Трижды.)*

Сла́ва, и ны́не²:

Молитва Господня

О́тче наш, И́же еси́ на небесе́х! Да святится́
и́мя Твое́, да приидет Ца́рствие Твое́, да бу́дет

¹ От Пасхи до Вознесения вместо этой молитвы читается тропарь: Христос воскрес из мертвых, смертию смерть поправ, и сущим во гробех живот даровав. *(Трижды.)*

От Вознесения до Троицы начинаем молитвы со «Святы́й Бо́же...», опуская все предшествующие. Это замечание относится и к молитвам на сон грядущим.

² Когда написано «Сла́ва, и ны́не», надо читать полностью: «Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь».

воля Твоя, яко на небесі и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропари Троичные

Воставше от сна, припадаем Ти, Блаже, и ангельскую песнь вопием Ти, Сильне: Свят, Свят, Свят еси, Боже, Богородицею помилуй нас.

Слава: От одра и сна воздвигл мя еси, Господи, ум мой просвети и сердце, и устне мои отверзи, во еже пети Тя, Свята́я Троице: Свят, Свят, Свят еси, Боже, Богородицею помилуй нас.

И ныне: Внезапу Судия придет, и коегождо деяния обнажатся, но страхом зовём³ в полунощи: Свят, Свят, Свят еси, Боже, Богородицею помилуй нас.

Господи, помилуй. (12 раз.)

Молитва Пресвятой Троице

От сна встав, благодарю Тя, Свята́я Троице, яко многия ради Твоея́ бла́гости и долготерпёния не прогневался еси на мя, лениваго и грешнаго, ниже погубил мя еси со беззаконьми моими; но человеколюбоествовал еси обы́чно

³ В церковнославянском языке нет звука ё, поэтому надо читать «зовем», а не «зовём», «твое», а не «твоеё», «мое», а не «моё», и т. д.

и в нечáянии лежащаго воздвѣгл мя еси, во
 ѳже ўтреневати и славословити держáву Твоюю.
 И ныне просветѣ мой ѳчи мýсленныя, отвѣр-
 зи моя уста поучáтися словесѣм Твоимъ, и ра-
 зумѣти заповѣди Твоя, и творѣти волю Твоюю,
 и пѣти Тя во исповѣданіи сердѣчномъ, и вос-
 певáти всесвятѳе имя Твоѳ, Отца и Сына и Свя-
 таго Дýха, ныне и прѣсно и во вѣки векѳв.
 Амѣнь.

Приидѣте, поклонѣмся Царѣви нашему Бѳгу.
 (Поклон.)

Приидѣте, поклонѣмся и припадѣм Христу,
 Царѣви нашему Бѳгу. (Поклон.)

Приидѣте, поклонѣмся и припадѣм Самому
 Христу, Царѣви и Бѳгу нашему. (Поклон.)

Псалом 50

Помѣлуй мя, Бѳже, по велицей мѣлости
 Твоей, и по мнѳжеству щедрѳт Твоихъ очѣсти
 беззакѳние мое. Наипáче омѣй мя от безза-
 конія моего, и от греха моего очѣсти мя; ꙗко
 беззакѳние мое аз знаю, и грех мой прѣдо мною
 есть вѣну. Тебѣ Единѳму согрешѣх и лукавое
 пред Тобѳю сотворѣх; ꙗко да оправдѣшися во
 словесѣх Твоихъ, и победѣши, вневѣда судѣти
 Ти. Се бо в беззакѳниих зачатъ есмь, и во гресѣхъ
 родѣ мя мáти моя. Се бо истину возлюбѣл еси;
 безвѣстная и тáйная премудрѳсти Твоея явилъ
 ми еси. Окропѣши мя иссопомъ, и очѣщуся;

омы́еши мя, и па́че снѣга убелю́ся. Слу́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твое́ от грех моих и вся беззако́нныя моя́ очисти. Сѣрдце́ чи́сто сози́жди во мне, Бо́же, и дух прав обнови́ во утро́бе мое́й. Не отве́ржи мене́ от лица́ Твоего́ и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́ и Ду́хом Влады́чним утверди́ мя. Научу́ беззако́нныя путе́м Твои́м, и нечестивии к Тебе́ обратят́ся. Изба́ви мя от крове́й, Бо́же, Бо́же спасе́ния моего́; возра́дуется язы́к мой пра́вде Твое́й. Го́споди, устне́ мои отве́рзеши, и уста́ моя возвестят́ хвалу́ Твою́. Яко́ а́ще бы восхоте́л еси́ же́ртвы, дал бых у́бо: всесожже́ния не благоволи́ши. Же́ртва Бо́гу дух сокруше́н; се́рдце сокруше́нно и смире́нно Бог не уничижи́т. Ублажи́, Го́споди, благоволе́нием Твои́м Сио́на, и да сози́ждутся сте́ны Иерусали́мския. Тогда́ благоволи́ши же́ртву пра́вды, возноше́ние и всесожега́емая; тогда́ возложат́ на олта́рь Твой тельца́.

Символ веры

¹ Вѣрую во единаго Бога Отца Вседержителя, Творца небу и земли, видимым же всем и невидимым. ² И во единаго Господа Иисуса Христа, Сына Божия, Единороднаго, Иже от Отца рожденнаго прежде всех век. Света от Света, Бога истинна от Бога истинна, рожденна, не сотворенна, единосущна Отцу, Имже вся быша.

³ Нас ради человек, и нашего ради спасения сшедшаго с Небес, и воплотившагося от Духа Свята и Марии Девы, и вочеловечшася. ⁴ Распятаго же за ны при Понтийстем Пилате, и страдавша, и погребена. ⁵ И воскресшаго в третий день по Писанием. ⁶ И возшедшаго на Небеса, и седяща одесную Отца. ⁷ И паки грядущаго со славою судити живым и мертвым, Егже Царствию не будет конца. ⁸ И в Духа Святаго, Господа Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. ⁹ Во едину Святую Соборную и Апостольскую Церковь. ¹⁰ Исповедую едино крещение во оставление грехов. ¹¹ Чаю воскресения мертвых, ¹² и жизни будущаго века. Аминь.

Молитва 1-я, святого Макария Великого

Боже, очисти мя грешнаго, яко николиже сотворих благое пред Тобю, но избави мя от лукаваго, и да будет во мне воля Твоя; да не осужденно отверзу уста моя недостойная и восхвалю имя Твое святое, Отца и Сына и Святаго Духа, ныне и присно и во веки веков. Аминь.

Молитва 2-я, того же святого

От сна встав, полунощную песнь приношу Ти, Спасе, и припадая вопию Ти: не даждь ми уснути во греховней смерти, но ущедри мя,

распныйся волею, и лежащаго мя в лѣности ускоривъ возстави, и спаси мя в предстоянии и молитве; и по снѣ ноцнѣмъ возсияй ми день безгрѣшен, Христѣ Бѣже, и спаси мя.

Молитва 3-я, того же святого

К Тебѣ, Владыко Человеколюбче, от сна воставъ прибегаю, и на дела Твоя подвизаюся милосѣрдиемъ Твоимъ, и молюся Тебѣ: помози ми на всякое время, во всякой вещи, и избави мя от всякаго мирскія злыя вещи и диавольскаго поспешенія, и спаси мя, и введи в Царство Твое вѣчное. Ты бо еси мой Сотворитель и всякому благу Промысленникъ и Податель, о Тебѣ же все упованіе мое, и Тебѣ славу возсылаю, ныне и присно и во веки вековъ. Аминь.

Молитва 4-я, того же святого

Господи, Иже многою Твоею благастью и великими щедротами Твоими дал еси мне, рабу Твоему, мимошедшее время ноци сей без напасти прейти от всякаго зла противна; Ты Сам, Владыко, всяческихъ Творче, сподоби мя истиннымъ Твоимъ свѣтомъ и просвещеннымъ сердцемъ творити волю Твою, ныне и присно и во веки вековъ. Аминь.

Молитва 5-я, святого Василия Великого

Господи Вседержителю, Бѣже сил и всякаго плоти, в вышнихъ живый и на смиренныя

призира́й, сердца́ же и утробы́ испытуй́й и сокрове́нная челове́ков я́ве предвѣдѣй, Безнача́льный и Присносу́щный Све́те, у Него́ же несть премене́ния, или́ преложе́ния осене́ние; Сам, Безсме́ртный Царю́, приими́ моле́ния на́ша, я́же в настоя́щее вре́мя, на мно́жество Твои́х щедро́т дерза́юще, от скве́рных к Тебе́ усте́н творим, и оста́ви нам прегреше́ния на́ша, я́же де́лом, и сло́вом, и мы́слию, ве́дением или́ неве́дением согреше́нная на́ми; и очисти́ ны от вся́кия скве́рны плоти́ и ду́ха. И да́руй нам бо́дренным се́рдцем и трѣзвенною мы́слию всю настоя́щаго жити́я но́щь прейти́, ожида́ющим прише́ствия све́тлаго и явле́ннаго дне Едино́роднаго Твоего́ Сы́на, Го́спода и Бо́га и Спа́са на́шего Иису́са Христа́, во́ньже со сла́вою Су́дия́ всех при́дет, кому́ждо отда́ти по делом егó; да не па́дше и обленѣвше́ся, но бо́дрству́юще и воздви́жени в де́лание обря́щемся гото́ви, в ра́дость и Божество́нный черто́г сла́вы Егó совни́дем, иде́же пра́зднующих глас непресе́танный, и неизрече́нная сла́дость зря́щих Твоего́ лица́ добро́ту неизрече́нную. Ты бо еси́ и́стинный Свет, просвеща́й и освяща́й вся́ческая, и Тя поёт вся тварь во ве́ки веко́в. Ами́нь.

Молитва 6-я, того же святого

Тя благослови́м, вы́шний Бо́же и Го́споди ми́лости, творя́щаго присно с на́ми вели́кая же и неизсле́дованная, сла́вная же и ужа́сная,

ихже несть числа, подавшаго нам сон во упокоение немощи нашея, и ослабление трудов многотрудныя плоти. Благодарим Тя, яко не погубил еси нас со беззаконными нашими, но человеколюбовствовал еси обычно, и в нечаянии лежащая ны воздвигл еси, во еже славословити державу Твою. Темже молим безмерную Твою благодать, просвети наша мысли, очеса и ум наш от тяжкаго сна лености остави: отверзи наша уста, и исполни я Твоего хваления, яко да возможем непоколеблемо пети же и исповедатися Тебе, во всех и от всех славному Богу, Безначальному Отцу, со Единородным Твоим Сыном, и Всесвятым и Благим и Животворящим Твоим Духом, ныне и присно и во веки веков. Аминь.

Молитва 7-я, ко Пресвятой Богородице

Воспеваю благодать Твою, Владычице, молю Тя, ум мой облагодати. Ступати право мя настави, путю Христовых заповедей. Бдети к песни укрепи, уныния сон отгоняющи. Связана пленицами грехопадений, мольбами Твоими разреши, Богоневесто. В нощи мя и во дни сохраняй, борющихся враг избавляющи мя. Жизнодателя Бога рождающая, умерщвлена мя страстьми оживи. Яже Свет невечерний рождающая, душу мою ослепшую просвети. О дивная Владычня палато, дом Духа Божественна мене сотвори. Врача рождающая, уврачуи души

моея многолѣтняя стра́сти. Волну́ющаяся житѣйскою бѹрею, ко стези́ мя пока́яния напра́ви. Изба́ви мя огня́ вечну́ющаго, и че́рвия же зла́го, и та́ртара. Да мя не яви́ши бесо́м ра́дование, и́же мно́гим грехо́м повѣнника. Но́ва сотвори́ мя, обетша́вшаго нечу́вственными, Пренепоро́чная, согреше́нии. Стра́нна му́ки вся́кия пока́жи мя, и всех Влады́ку умоли́. Небе́сная ми уллучи́ти весе́лия со все́ми святы́ми сподо́би. Пресвята́я Де́во, услы́ши глас непотре́бнаго раба́ Твоего́. Струю́ давай́ мне слеза́м, Пречи́стая, ду́ши моея́ скве́рну очища́ющи. Стена́ния от се́рдца приношу́ Ти не преста́нно, усердствуй, Влады́чице. Моле́бную слѹ́жбу мою́ приими́, и Бо́гу благоутро́бному принеси́. Превы́шшая Ангел, мирска́го мя превы́шша слѣ́тня сотвори́. Светоно́сная Се́не небе́сная, духо́вную благода́ть во мне напра́ви. Ру́це воздею́ и устне́ к похвалѣ́нию, оскверне́ны скве́рною, Всенепоро́чная. Душетле́нных мя па́костей изба́ви, Христа́ приле́жно умоля́ющи; Емуже́ честь и поклонѣ́ние подо́баёт, ны́не и прѣсно и во ве́ки веко́в. Ами́нь.

Молитва 8-я, Господу нашему Иисусу Христу

Многоми́лостиве и Всеми́лостиве Бо́же мой, Го́споди Иису́се Христѣ́, мно́гия ра́ди любве́ сшел и воплотѣ́лся еси́, я́ко да спасе́ши всех. И па́ки, Спа́се, спаси́ мя по благода́ти, молю́ Тя; а́ще бо от дел спасе́ши мя, несть се благода́ть и дар, но долг па́че. Ей, мно́гий в щед-

ро́тах и неизрече́нный в ми́лости! Ве́руйяй бо в Мя, рекл еси́, о Хри́сте мой, жив бу́дет и не у́зрит сме́рти во ве́ки. А́ще у́бо ве́ра, я́же в Тя, спаса́ет отча́янные, се ве́рую, спаси́ мя, я́ко Бог мой еси́ Ты и Созда́тель. Ве́ра же вме́сто дел да вмени́тся мне, Бо́же мой, не обря́щещи бо дел отню́д оправда́ющих мя. Но та́ ве́ра моя́ да довле́ет вме́сто всех, та да отве́щает, та да оправди́т мя, та да пока́жет мя прича́тника сла́вы Твоея́ ве́чныя. Да не у́бо похи́тит мя сатана́, и похва́лится, Сло́ве, е́же отто́ргнути мя от Твоея́ руки́ и огра́ды; но или́ хо́щю, спаси́ мя, или́ не хо́щю, Хри́сте Спа́се мой, предва́ри ско́ро, ско́ро погибо́х: Ты бо еси́ Бог мой от чре́ва ма́тере моея́. Сподо́би мя, Го́споди, ны́не возлю́бити Тя, я́коже возлю́би́х ино́гда той са́мый грех, и па́ки порабо́тати Тебе́ без ле́ности то́щно, я́коже порабо́тах пре́жде сатана́ лъсти́вому. Наипа́че же порабо́таю Тебе́, Го́споду и Бо́гу моему́ Иису́су Хри́сту, во вся дни живота́ моего́, ны́не и при́сно и во ве́ки веко́в. Ами́нь.

Молитва 9-я, к Ангелу Хранителю

Святы́й А́нгеле, предсто́йи ока́янней мое́й ду́ши и стра́стней мое́й жи́зни, не оста́ви мене́ грешна́го, ниже́ отступи́ от мене́ за невозде́ржание мое́. Не даждь ме́ста лука́вому де́мону облада́ти мно́ю, наси́льством сме́ртнаго сего́ телесе́; укрепи́ бе́дствующую и худую́ мою́ ру́ку и наста́ви мя на путь спасе́ния. Ей, святы́й

Ангеле Божий, хранителю и покровителю
окаянная моя душа и тела, вся мне прости,
еликими ты оскорбил во вся дни живота мо-
его, и аще что согреших в прешедшую ночь
сию, покрый мя в настоящий день, и сохрани
мя от всякаго искушения противнаго, да ни
в коем гресе прогневаю Бога, и молюся за мя
ко Господу, да утвердит мя в страхе Своем, и
достойна покажет мя раба Своея благодати.
Аминь.

Молитва 10-я, ко Пресвятой Богородице

Пресвятая Владычице моя Богородице, свя-
тыми Твоими и всеильными мольбами отже-
ни от мене, смиренного и окаяннаго раба Тво-
его, уныние, забвение, неразумие, нерадение,
и вся скверная, лукавая и хульная помыш-
ления от окаяннаго моего сердца и от помра-
ченного ума моего; и погаси пламень страстей
моих, яко нищ есмь и окаянен. И избави мя
от многих и лютых воспоминаний и пред-
приятий, и от всех действий злых свободи мя.
Яко благословенна еси от всех родов, и славит-
ся пречестное имя Твое во веки веков. Аминь.

**Молитвенное призывание святого,
имя которого носишь**

Моли Бога о мне, святой угодниче Божий
имя, яко аз усердно к тебе прибегаю, скорому
помощнику и молитвеннику о душе моей.

Песнь Пресвятой Богородице

Богородице Дѣво, радуйся, Благодѣтельная Маріе, Господь с Тобою; благословенна Ты в женах и благословен плод чрева Твоего, яко Спаса родила еси душ наших.

Тропарь Кресту и молитва за Отечество

Спаси, Господи, люди Твоя, и благослови достояние Твое, победы на сопротивных даруя, и Твое сохраняя Крестом Твоим жительство.

Молитва о живых

Спаси, Господи, и помилуй рабов Твоих: отца моего духовнаго, *имя*, родителей моих, *имена их*, сродников, *имена*, начальников, наставников, благодетелей, *имена*, и всех православных христиан (*поклон*). Избави их от всякия скорби, гнева и нужды (*поклон*), от всякия болезни душевныя и телесныя (*поклон*). Прости им всякое согрешение, вольное и невольное (*поклон*) и душам нашим полезная сотвори (*поклон*).

Молитва о усопших

Упокой, Господи, души усопших раб Твоих: [родителей моих], сродников, благодетелей, *имена их*, и всех православных христиан (*поклон*), и елико в житии сем яко человецы согрешisha, Ты же, яко Человеколюбец Бог, прости их и помилуй (*поклон*), вечныя муки

избáви (поклон), Небéсному Цáрствию причáстники учини́ (поклон) и душáм нáшим полéзная сотвори́ (поклон).

Окончание молитв

Достóйно есть я́ко войи́стинну блаж́ити Тя, Богорóдицу, Присноблаж́енную и Пренепорóчную и Мáтерь Бóга нáшего. Честн́ейшую Херув́им и слáвнейшую без сравн́ения Сераф́им, без ислéния Бóга Сло́ва рóждшую, сýщую Богорóдицу Тя велич́аем. (Поклон.)⁴

Слáва, и ны́не:

Гóсподи, помíлуй. (Трижды.)

Гóсподи Иису́се Христé, Сы́не Бóжий, моли́твами Пречы́стия Твоея́ Мáтере, преподо́бных и богоно́сных оте́ц нáших и всех святы́х помíлуй и спаси́ нас, я́ко Благ и Человеколю́бец. Ами́нь.

⁴ От Пасхи до Вознесения вместо этой молитвы читается припев и ирмос 9-й песни Пасхального канона:

Ангел вопия́ше Благодáтней: Чы́стая Дéво, ра́дуйся! И па́ки реку́: ра́дуйся! Твой Сын воскрéсе тридн́евен от грóба и мёртвыя воздв́игнувый; лю́дие, весел́итесь!

Свети́ся, свети́ся, но́вый Иерусали́ме, слáва бо Господ́ня на тебе́ возсия́. Ликуй ны́не и весели́ся, Сиóне. Ты же, Чы́стая, красуй́ся, Богорóдице, о востáнии Рождества́ Твоего́.

Молитва Оптинских старцев⁵

Господи, дай мне с душевным спокойствием встретить все, что принесёт мне наступающий день. Дай мне всецело предаться воле Твоей святой. На всякий час сего дня во всем наставь и поддержи меня. Какие бы я ни получал известия в течение дня, научи меня принять их со спокойной душой и твердым убеждением, что на все святая воля Твоя.

Во всех словах и делах моих руководи моими мыслями и чувствами. Во всех непредвиденных случаях не дай мне забыть, что все ниспослано Тобой.

Научи меня прямо и разумно действовать с каждым членом семьи моей, никого не смущая и не огорчая.

Господи, дай мне силу перенести утомление наступающего дня и все события в течение дня. Руководи моею волею и научи меня молиться, верить, надеяться, терпеть, прощать и любить. Аминь.



⁵ При желании читается по окончании утренних молитв.

МОЛИТВЫ НА СОН ГЯДУЩИМ

Во имя Отца, и Сына, и Святаго Духа. Аминь.

Молитвами святых отец наших, Господи Иисусе Христе Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Духе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. *(Трижды.)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды.)
Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропари

Помилуй нас, Господи, помилуй нас; всякаго бо ответа недоумеюще, сию Ти молитву, яко Владыце, грешнии приносим: помилуй нас.

Слава: Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне, яко благоутробен, и избави ны от враг наших; Ты бо еси Бог наш, и мы людие Твои, вси дела руку Твоею, и имя Твое призываем.

И ныне: Милосердия двери отверзи нам, благословенная Богородице, надеющиеся на Тя да не погибнем, но да избавимся Тобою от бед: Ты бо еси спасение рода христианскаго.

Господи, помилуй. (12 раз.)

Молитва 1-я, святого Макария Великого, к Богу Отцу

Боже вечный и Царю всякаго создания, сподобивый мя даже в час сей dospети, прости

ми грехи́, яже сотвори́х в сей день де́лом, сло́вом и помышлѣнием, и очисти, Го́споди, смире́нную мою́ ду́шу от вся́кия скве́рны плóти и ду́ха. И даждь ми, Го́споди, в но́щи сей сон пре́йти в ми́ре, да воста́в от смире́ннаго ми ло́жа, благоугожду́ пресвято́му и́мени Твоему́, во вся дни живота́ моего́, и попере́у бо́рющия мя враги́ плотскі́я и безплóтныя. И изба́ви мя, Го́споди, от помышлѣний сýетных, оскверня́ющих мя, и по́хотей лука́вых. Я́ко Твое́ есть ца́рство и си́ла и сла́ва, Отца́ и Сы́на и Свята́го Ду́ха, ны́не и прі́сно и во ве́ки веко́в. Ами́нь.

**Молитва 2-я, святого Антиоха,
ко Господу нашему Иисусу Христу**

Вседержи́телю, Сло́во О́тчее, Сам соверше́н сый, Иису́се Христѣ́, мно́гаго ра́ди милосѣ́рдия Твоего́ никогда́же отлуча́йся мене́, раба́ Твоего́, но всегда́ во мне почива́й. Иису́се, до́брый Па́стырю Твои́х овец, не преда́ждь мене́ крамолѣ зми́ине, и желáнию сатанину́ не оста́ви мене́, я́ко се́мя тли во мне есть. Ты у́бо, Го́споди Бо́же покланя́емый, Царю́ Святы́й, Иису́се Христѣ́, спя́ща мя сохрани́ немерца́ющим све́том, Ду́хом Твои́м Святы́м, Имже освяти́л еси́ Тво́я ученики́. Даждь, Го́споди, и мне, недостóйному рабу́ Твоему́, спасѣ́ние Твое́ на ло́жи моѣм: просвети́ ум мой све́том ра́зума свята́го Ева́нгелия Твоего́, ду́шу лю-

бóвию Крестá Твоегó, сёрдце чистотою словесе Твоегó, тѣло моѣ Твоею страстию безстрастною, мысль мою Твоимъ смиреніемъ сохрани, и воздвигни мя во время подобно на Твое славословіе. Яко препрославленъ еси со Безначальнымъ Твоимъ Отцемъ и с Пресвятымъ Духомъ во вѣки. Аминь.

Молитва 3-я, ко Пресвятому Духу

Господи, Царю Небесный, Утешителю, Дусе истины, умилосердися и помилуй мя, грешнаго раба Твоего, и отпусти ми недостойному, и прости вся, елика Ти согрешихъ днесъ яко человекъ, паче же и не яко человекъ, но и горее скота, вольныя моя грехи и невольныя, ведомыя и неведомыя: яже от юности и от науки злы, и яже суть от наглства и уныния. Аще именемъ Твоимъ кляхся, или похулихъ е в помышлении моемъ; или кого укорихъ; или оклеветалъ кого гневомъ моимъ, или опечалихъ, или о чемъ прогневахся; или солгалъ, или безгодно спалъ, или нищъ прииде ко мне, и презрелъ его; или брата моего опечалихъ, или свадихъ, или кого осудихъ; или развеличахся, или разгордехся, или разгневахся; или стоящу ми на молитве, ум мой о лукавствии мира сего подвижеся, или возвращение помыслихъ; или объядохся, или опихся, или без ума смеяхся; или лукавое помыслихъ, или доброту чуждую видевъ, и тою уязвен быхъ сердцемъ; или неподобная глаголахъ,

или греху брата моего посмеялся, моя же суть безчисленная согрешения; или о молитве не радих, или ино что содеях лукавое, не помню, та бо вся и больша сих содеях. Помилуй мя, Творче мой Владыко, унылаго и недостойнаго раба Твоего, и остави ми, и отпусти, и прости мя, яко Благ и Человеколюбец, да с миром лягу, усну и почию, блудный, грешный и окаянный аз, и поклонюся, и воспою, и прославлю пречестное имя Твое, со Отцем, и Единородным Его Сыном, ныне и присно и во веки. Аминь.

Молитва 4-я, святого Макария Великого

Что Ти принесу, или что Ти воздам, великодаровитый Безсмертный Царю, щедре и Человеколюбче Господи, яко ленящаяся мене на Твое угождение, и ничтоже благо сотворша, привел еси на конец мимошедшаго дне сего, обращение и спасение души моей строя? Милостив ми буди грешному и обнаженному всякаго дела блага, возстави падшую мою душу, осквернившуюся в безмерных согрешениях, и отыми от мене весь помысл лукавый видимаго сего жития. Прости моя согрешения, еди́не Безгрешне, яже Ти согреших в сей день, ведением и неведением, словом, и делом, и помышлением, и всеми моими чувствами. Ты Сам, покрывая, сохрани мя от всякаго сопротив-

наго обстоянія Божественною Твоею властію, и неизречённым человеколюбіем, и сілюю. Очисти, Бóже, очисти мно́жество грехо́в мо́их. Благоволи́, Го́споди, изба́вити мя от се́ти лука́ваго, и спаси́ стра́стную мою́ ду́шу, и осení мя свѣтом лица́ Твоего́, егда́ прийдёши во сла́ве, и неосуждённа ны́не сном усну́ти сотвори́, и без мечта́нія, и несму́щен по́мысл раба́ Твоего́ соблюди́, и всю сатанину́ дѣтель отжени́ от мене́, и просвети́ ми разу́мныя о́чи серде́чныя, да не усну́ в смерть. И послѣ ми А́нгела ми́рна, храні́теля и наста́вника душі́ и тѣлу моему́, да изба́вит мя от враг мо́их; да воста́в со одра́ моего́, принесу́ Ти благодарственныя мольбы́. Ей, Го́споди, услы́ши мя грѣшнаго и убо́гаго раба́ Твоего́, изволе́нием и со́вестію; да́руй ми воста́вшу словесѣм Твои́м поучі́тися, и уны́ние бесо́вское далѣче от мене́ отгна́но бы́ти сотвори́ Твои́ми А́нгелы; да благословлю́ і́мя Твое́ свято́е, и просла́влю, и сла́влю Пречи́стую Богоро́дицу Мари́ю, Ю́же дал еси́ нам грѣшным заступле́ние, и приими́ Сію́ моля́щуюся за ны: вѣм бо, я́ко подража́ет Твое́ человеколю́бие, и моля́щися не престаёт. То́я заступле́нием, и Честна́го Креста́ зна́мением, и всех свята́х Твои́х ра́ди, убо́гую ду́шу мою́ соблюди́, Иису́се Христе́ Бóже наш, я́ко Свят еси́ и препросла́влен во ве́ки. Ами́нь.

Молитва 5-я

Господи Боже наш, еже согреших во дни сем словом, делом и помышлением, яко Благ и Человеколюбец прости ми. Мирен сон и безмятежен даруй ми. Ангела Твоего хранителя послѣ, покрывающа и соблюдающа мя от всякаго зла, яко Ты еси хранитель душам и телесем нашим, и Тебѣ славу возсылаем, Отцу и Сыну и Святому Духу, ныне и присно и во веки веков. Аминь.

Молитва 6-я

Господи Боже наш, в Негоже веровахом, и Егоже имя паче всякаго имени призываем, даждь нам, ко сну отходящим, ослабу души и телу; и соблюди нас от всякаго мечтания, и темныя сласти кроме; устави стремление страстей; угаси разжжения востания телеснаго. Даждь нам целомудренне пожити дела и словеса; да добродетельное жителство восприемлюще, обетованных не отпадѣм благих Твоих, яко благословен еси во веки. Аминь.

Молитва 7-я, святого Иоанна Златоуста (24 молитвы, по числу часов дня и ночи)

¹ Господи, не лишѣ мене небесных Твоих благ. ² Господи, избави мя вечных мук. ³ Господи, умом ли или помышлением, словом или делом согреших, прости мя. ⁴ Господи, избави мя всякаго неведения и забвения, и малоду-

шая, и окаменённого нечувствия. ⁵ Господи, избави мя от всякаго искушения. ⁶ Господи, просвети моё сердце, еже помрачи лукавое похотение. ⁷ Господи, аз яко человек согреших, Ты же, яко Бог щедр, помилуй мя, видя немощь души моея. ⁸ Господи, послѣ благодать Твою в помощь мне, да прославлю имя Твоё святое. ⁹ Господи Иисусе Христе, напиши мя раба Твоего в книзе животней и даруй ми конец благий. ¹⁰ Господи Боже мой, аще и ничтоже благо сотворих пред Тобою, но даждь ми, по благодати Твоей, положи ти начало благое. ¹¹ Господи, окропи в сердце моём росу благодати Твоея. ¹² Господи небесе и земли, помяни мя грешнаго раба Твоего, студнаго и нечистаго, во Царствии Твоём. Аминь.

¹ Господи, в покаянии приими мя. ² Господи, не остави мене. ³ Господи, не введи мене в напасть. ⁴ Господи, даждь ми мысль благу. ⁵ Господи, даждь ми слезы, и память смертную, и умиление. ⁶ Господи, даждь ми помысл исповедания грехов моих. ⁷ Господи, даждь ми смирение, целомудрие и послушание. ⁸ Господи, даждь ми терпение, великодушие и кротость. ⁹ Господи, всели в мя корень благих, страх Твой в сердце моё. ¹⁰ Господи, сподоби мя любити Тя от всея души моея и помышления и творити во всем волю Твою. ¹¹ Господи, покрый мя от человек некоторых, и бесов, и страстей, и от всякия инья неподобныя вещи. ¹² Господи,

веси, яко творіши, якоже Ты волиши, да бѹдет воля Твоя и во мне грѣшнем, яко благословѣн еси во веки. Аминь.

**Молитва 8-я,
ко Господу нашему Иисусу Христу**

Господи Иисусе Христе Сыне Божий, ради Честнейшия Матере Твоея и безплотных Твоих Ангел, Пророка же и Предтечи и Крестителя Твоего, богоглаголивых же апостол, светлых и добropобѣдных мученик, преподобных и богоносных отец, и всех святых молитвами, избави мя настоящаго обстояния бесовскаго. Ей, Господи мой и Творче, не хотяй смерти грешнаго, но якоже обратитися и живу быти ему, даждь и мне обращение окаянному и недостойному; изми мя от уст пагубнаго змия, зияющаго пожрети мя и свести во ад жива. Ей, Господи мой, утешение мое, Иже мене ради окаяннаго в тленную плоть оболкйся, исторгни мя от окаянства, и утешение подаждь души моей окаянной. Всади в сердце мое творити Твоя повеления, и оставити лукавая деяния, и получиши блаженства Твоя: на Тя бо, Господи, уповах, спаси мя.

**Молитва 9-я, ко Пресвятой Богородице,
Петра Студийского**

К Тебе Пречистой Божией Матери аз окаянный припадая молюся: веси, Царице, яко безпрестани согрешаю и прогневлию Сына Тво-

его и Бога моего, и многажды аще каюся, лож пред Богом обретаюся, и каюся трепеща: не ужели Господь поразит мя, и по часе паки таяжде творю; ведущи сия, Владычице моя Госпоже Богородице, молю, да помилуеши, да укрепиши, и благая твориши да подаши ми. Веси бо, Владычице моя Богородице, яко отнюд имам в ненависти злая моя дела, и всею мыслию люблю закон Бога моего; но не вем, Госпоже Пречистая, откуда яже ненавижду, та и люблю, а благая преступаю. Не попускай, Пречистая, воли моей совершатися, не угодна бо есть, но да будет воля Сына Твоего и Бога моего: да мя спасет, и вразумит, и подаст благодать Святаго Духа, да бых аз отселе престал сквернодейства, и прочее пожил бых в повелении Сына Твоего, Ему же подобает всякая слава, честь и держава, со Безначальным Его Отцем, и Пресвятым и Благим и Животворящим Его Духом, ныне и присно и во веки веков. Аминь.

Молитва 10-я, ко Пресвятой Богородице

Благого Царя благая Мати, Пречистая и Благословенная Богородице Мариэ, милость Сына Твоего и Бога нашего излей на страстную мою душу и Твоими молитвами настави мя на деяния благая; да прочее время живота моего без порока преиду и Тобою рай да обрещу, Богородице Дево, едина Чистая и Благословенная.

**Молитва 11-я,
ко святому Ангелу Хранителю**

А́нгеле Христо́в, храните́лю мой святы́й и покровите́лю душі и те́ла моего́, вся ми проси́ти, елика согреших во днѣшний день, и от всякаго лукавствія протівнаго ми врага́ избави мя, да ни в ко́емже гресѣ прогне́ваю Бо́га моего́; но моли́ за мя грѣшнаго и недостойнаго раба́, я́ко да досто́йна мя пока́жеша блага́сти и мило́сти Всесвяты́я Трои́цы и Ма́тере Го́спода моего́ Иису́са Христа́ и всех святы́х. Ами́нь.

Кондак Богородице

Взбра́нной Воево́де победи́тельная, я́ко изба́вльшеся от злых, благодарственна́я воспи́суюм Ти раби́ Твои́, Богоро́дице, но я́ко иму́щая держа́ву непобеди́мую, от вся́ких нас бед свободи́, да зове́м Ти: ра́дуйся, Невѣсто Нене́вѣстная.

Пресла́вная Присноде́во, Ма́ти Христа́ Бо́га, принеси́ на́шу моли́тву Сы́ну Твоему́ и Бо́гу на́шему, да спасе́т Тобо́ю ду́ши на́ша.

Все упова́ние мое́ на Тя возлага́ю, Ма́ти Бо́жия, сохрани́ мя под кро́вом Твои́м.

Богоро́дице Де́во, не презри́ мене́ грѣшнаго, тре́бующа Твоея́ по́мощи и Твоего́ заступле́ния, на Тя бо упова́ душа́ моя́, и помилуй́ мя.

Молитва святого Иоанникия

Упова́ние моё Оте́ц, прибе́жище моё Сын, покрóв мой Дух Святы́й: Трои́це Свята́я, сла́ва Тебе́.

Досто́йно есть я́ко вои́стинну блажи́ти Тя, Богоро́дицу, Присноблаже́нную и Пренепоро́чную и Ма́терь Бо́га на́шего. Честне́йшую Херув́им и сла́внейшую без сравне́ния Сераф́им, без ислéния Бо́га Сло́ва ро́ждшую, су́щую Богоро́дицу Тя велича́ем. (*Поклон.*)

Сла́ва, и ны́не:

Го́споди, поми́луй. (*Трижды.*)

Го́споди Иису́се Христé, Сы́не Бо́жий, моли́твами Пречи́стыя Твоея́ Ма́тере, преподо́бных и богоно́сных оте́ц на́ших и всех святы́х, поми́луй и спаси́ нас, я́ко Благ и Человеколю́бец. Ами́нь.

Когда хочешь возлечь на одр свой, читай следующие молитвы:

Молитва святого Иоанна Дамаскина

Влады́ко Человеколю́бче, не ужéли мне одр сей гроб бу́дет, или́ ещé окая́нную мою́ ду́шу просвети́ши днем? Се ми гроб предлежи́т, се ми смерть предстои́т. Судá Твоего́, Го́споди, бою́ся и му́ки безконéчныя, злое́ же творя́ не

престаю: Тебѣ Господа Бога моего всегда прогневлѣю, и Пречистую Твою Матерь, и вся Небесныя силы, и святаго Ангела хранителя моего. Вем убо, Господи, яко недостойн есмь человеколюбія Твоего, но достоин есмь всякаго осужденія и муки. Но, Господи, или хочю, или не хочю, спаси мя. Аще бо праведника спасеши, ничтоже велие; и аще чистаго помилуеши, ничтоже дивно: достойни бо суть милости Твоея. Но на мне грешнем удиви милость Твою: о сем яви человеколюбие Твое, дане одолеет моя злоба Твоей неизглаголанней благодости и милосердию: и якоже хочеши, устрои о мне вещь.

Просвети очи мой, Христѣ Бже, да не когда усну в смерть, да не когда речет враг мой: укрепихся на него.

Слава: Заступник души моея буди, Бже, яко посреде хожду сетей многих; избави мя от них и спаси мя, Блаже, яко Человеколюбец.

И ныне: Преславную Божию Матерь, и святых Ангел Святѣйшую, немолчно воспоим сердцем и усты, Богородицу сию исповедающе, яко воистинну рождшую нам Бога воплощенна, и молящуюся непрестанно о душах наших.

Знаменуй себя крестом и говори молитву Честному Кресту:

Да воскреснет Бог, и расточатся врази Его, и да бежат от лица Его ненавидящии Его. Яко

исчезает дым, да исчезнут; яко тает воск от лица огня, тако да погибнут беси от лица любящих Бога и знаменующихся крестным знамением, и в веселии глаголющих: радуйся, Пречестный и Животворящий Кресте Господень, прогоняяй бесы силою на тебе пропятаго Господа нашего Иисуса Христа, во ад спешшаго и поправшаго силу диаволю, и даровавшаго нам тебе Крест Свой Честный на прогнание всякаго супостата. О, Пречестный и Животворящий Кресте Господень! Помогай ми со Святою Госпожею Деву Богородицею и со всеми святыми во веки. Аминь.

Или кратко:

Оградь мя, Господи, силою Честнаго и Животворящаго Твоего Креста, и сохрани мя от всякаго зла.

Молитва

Ослаби, остави, прости, Боже, прегрешения наша, вольная и невольная, яже в слове, и в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

Молитва

Ненавидящих и обидящих нас прости, Господи Человеколюбче. Благотворящим благосотвори. Братиям и сродником нашим даруй

яже ко спасению прошения и жизнь вечную. В немощех сущия посети и исцеление даруй. Иже на мори управи. Путешествующим спутешествуй. Служащим и милующим нас грехов оставление даруй. Заповедавших нам недостойным молитися о них помилуй по велицей Твоей милости. Помяни, Господи, прежде усопших отец и братья наших и упокой я, идеже присещает свет лица Твоего. Помяни, Господи, братья наших плененных и избави я от всякаго обстояния. Помяни, Господи, плодоносящих и доброделающих во святых Твоих церквах, и даждь им яже ко спасению прошения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистой Владычицы нашей Богородицы и Приснодевы Марии, и всех Твоих святых: яко благословен еси во веки веков. Аминь.

Исповедание грехов повседневное

Исповедая Тебе Господу Богу моему и Творцу, во Святей Троице Единому, славимому и покланяемому, Отцу, и Сыну, и Святому Духу, вся моя грехи, яже содеях во вся дни живота моего, и на всякий час, и в настоящее время, и в прешедшия дни и нощи, делом, словом, помышлением, объядением, пьянст-

вом, тайноядением, празднословием, унынием, ленинностью, прекословием, непослушанием, оклеветанием, осуждением, небрежением, самолюбием, многостязанием, хищением, неправдоглаголением, скверноприбытчеством, мшелоимством, ревнованием, завистию, гневом, памятозлوبيем, ненавистию, лихоимством и всеми моими чувствами: зрением, слухом, обонянием, вкусом, осязанием и прочими моими грехи, душевными вкупе и телесными, имиже Тебе Бóга моего и Творца прогневах, и ближняго моего онеправдовах; о сих жалея, винна себе Тебе Бóгу моему представляю, и имею волю каяться: точию, Гóсподи Бóже мой, помози ми, со слезами смиренно молю Тя: прешедшая же согрешения моя милосердием Твоим прости ми, и разреши от всех сих, яже изглаголах пред Тобóю, яко Благ и Человеколюбец.

Когда отходишь со сна, произноси:

В рúце Твои, Гóсподи Иисúсе Христé, Бóже мой, предаю дух мой: Ты же мя благослови, Ты мя помилуй и живóт вéчный даруй ми. Амíнь.



ТРЕХКАНОННИК

Молітвами святых отец наших, Господи Иисусе Христе Боже наш, помилуй нас. Аминь.

Царю Небесный: Трисвятое. Пресвятая Троице: Отче наш: Господи, помилуй (12 раз). Слава и ныне: Приидите, поклонимся. (Трижды.) Псалом 50. Символ веры.

КАНОНЫ покаянный ко Господу, молебный к Богородице, Ангелу Хранителю

Глас 6-й. Песнь 1

Яко по суху пешешествовав Израиль, по бездне стопами, гонителя фараона видя потопляема, Богу победную песнь поим, вопияше.

Иисусу:

Помилуй мя, Боже, помилуй мя.

Ныне приступих аз грешный и обремененный к Тебе, Владыце и Богу моему; не смею же взирати на небо, токмо молюся, глаголя: даждь ми, Господи, ум, да плачуся дел моих горько.

Помилуй мя, Боже, помилуй мя.

О горе мне грѣшному! Паче всех человек
окаяннен есмь, покаянія несть во мне; даждь
ми, Господи, слѣзы, да плачуся дел моих
горько.

Помилуй мя, Бѣже, помилуй мя.

Безумне, окаянне человекче, в лѣности время
губиши; помысли житиѣ твоѣ, и обратися ко
Господу Богу, и плачися о дѣлах твоих горько.

Пресвятая Богородице, спаси нас.

Мати Бѣжия Пречистая, воззри на мя грѣш-
наго, и от сѣти диаволи избави мя, и на путь
покаянія настави мя, да плачуся дел моих
горько.

Пресвятой Богородице:

Пресвятая Богородице, спаси нас.

Многими содержимъ напастьми, к Тебѣ при-
бегаю, спасенія искый: о Мати Слова и Дѣво,
от тяжких и лютых мя спаси.

Пресвятая Богородице, спаси нас.

Страстей мя смущают прилози, многаго уны-
ния исполнити мою дѣшу; умири, Отроковице,
тишиною Сына и Бога Твоего, Всенепорочная.

Пресвятая Богородице, спаси нас.

Спаса рождшая Тя и Бога, молю, Дѣво, изба-
витися ми лютых: к Тебѣ бо ныне прибегая,
простираю и дѣшу и помышление.

Пресвятая Богородице, спаси нас.

Недугующа телом и душею, посещения Бо-
жественнаго и промысленія от Тебѣ сподоби,

еди́на Богома́ти, я́ко благая́, Блага́го же Роди́-
тельница.

Ангелу Хранителю:

Го́споди Иису́се Христе́ Бо́же мой, поми́луй мя.
Песнь воспéти и восхвалíti, Спа́се, Твоего́
раба́ досто́йно сподо́би, безплóтному́ Ангелу,
наста́внику и хранíteлю моему́.

Святы́й А́нгеле Бо́жий, хранíteлю мой, моли́
Бо́га о мне.

Еди́н аз в неразу́мии и в ле́ности ны́не лежу́,
наста́вниче мой и хранíteлю, не оста́ви мене́
погиба́юща.

Сла́ва: Ум мой твоёю моли́твою напра́ви,
твори́ти ми Бо́жия повелéния, да получу́ от
Бо́га отда́ние грехо́в, и ненави́дети ми злых
наста́ви мя, молю́ся ти.

И ны́не: Моли́ся, Деви́це, о мне, рабе́ Твоём,
ко Благода́телю, со хранíteлем моём А́нге-
лом, и наста́ви мя твори́ти за́поведи Сы́на
Твоего́ и Творца́ моего́.

Песнь 3

Несть свят, я́коже Ты, Го́споди Бо́же мой, воз-
несый́ рог ве́рных Твои́х, Бла́же, и утверди́вый
нас на ка́мени испове́дания Твоего́.

Иисусу:

Поми́луй мя, Бо́же, поми́луй мя.

Внегда́ поста́влени бу́дут престόли на суди́-
щи стра́шнем, тогда́ всех челове́к дела́ обли-

чатся, горе тамо будет грешным, в муку отсылаемым; и то ведущи, душе моя, покайся от злых дел твоих.

Помилуй мя, Боже, помилуй мя.

Праведницы возрадуются, а грешнии восплачутся, тогда никтоже возможет помощи нам, но дела наша осудят нас; темже прежде конца покайся от злых дел твоих.

Помилуй мя, Боже, помилуй мя.

Увы мне великогрешному! Иже дела и мыслями осквернився, ни капли слез имею от жестосердия; ныне возникни от земли, душе моя, и покайся от злых дел твоих.

Пресвятая Богородице, спаси нас.

Се, взывает, Господже, Сын Твой, и поучает нас на доброе, аз же грешный добра всегда бегаю; но Ты, Милостивая, помилуй мя, да покаюся от злых моих дел.

Пресвятой Богородице:

Пресвятая Богородице, спаси нас.

Предстательство и покров жизни моея полагаю Тя, Богородительнице Дево: Ты мя окорми ко пристанищу Твоему, благих виновна, верных утверждение, едина Всепетая.

Пресвятая Богородице, спаси нас.

Молю, Дево, душевное смущение и печали моея бурю разорити: Ты бо, Богоневестная, начальника тишины Христа родила еси, едина Пречистая.

Пресвятая Богородице, спаси нас.

Благодетеля рождши добрых виновнаго, благодейния богатство всем источи, вся бо можеш, яко сильного в крепости Христа рождши, Богоблаженная.

Пресвятая Богородице, спаси нас.

Лютыми недуги и болезненными страстьми истязаему, Дево, Ты ми помози: исцелений бо неоскудное Тя знаю сокровище, Пренепорочная, неизживаемое.

Ангелу Хранителю:

Святый Ангеле Божий, хранителю мой, моли Бога о мне.

Все помышление мое и душу мою к тебе возложих, хранителю мой; ты от всякия мя напасти вражия избави.

Святый Ангеле Божий, хранителю мой, моли Бога о мне.

Враг попирает мя, и озлобляет, и поучает всегда творити своя хотения; но ты, наставниче мой, не остави мене погибающа.

Слава: Пети песнь со благодарением и усердием Творцу и Богу даждь ми и тебе, благому Ангелу хранителю моему: избавителю мой, изми мя от враг озлобляющих мя.

И ныне: Исцели, Пречистая, моя многонедужныя струпы, яже в души; прожени враги, иже присно борются со мною.

Господи, помилуй. (Трижды.)

Седален Иисусу

Помышляю день страшный и плачуся деяний моих лукавых: како отвецаю Безсмертному Царю, или коим дерзновением воззрю на Судию, блудный аз? Благоутробный Отче, Сыне Единородный и Душе Святыи, помилуй мя.

Слава: Седален Ангелу Хранителю

От любве душевныя вопию ти, хранителю моея души, всесвятыи мой Ангеле: покрый мя и соблюди от лукаваго ловления всегда, и к жизни настави небесней, вразумляя, и просвещая, и укрепляя мя.

И ныне: Богородичен

Богородице безневестная Пречистая, Яже без семене рождши всех Владыку, Того со Ангелом хранителем моим моли, избавити ми ся всякаго недоумения, и дати умиление и свет души моей и согрешением очищение, Яже едина вскоре заступающи.

Песнь 4

Христос моя сила, Бог и Господь, честная Церковь боголепно поет, зывающи от смысла чиста, о Господе празднующи.

Иисусу:

Помилуй мя, Боже, помилуй мя.

Широк путь zde и угонный сласти творити, но горько будет в последний день, егда душа

от тѣла разлучатися бѹдетъ: блюди́ся от сихъ, челове́че, Ца́рствія ра́ди Бо́жія.

Помілуй мя, Бо́же, помілуй мя.

Почто́ убо́гаго обѣдиши, мзду наѣмничу удѣржуеши, брата твоего́ не любиши, блуд и го́рдость го́ниши? Оста́ви у́бо сия́, ду́ше моя́, и пока́йся Ца́рствія ра́ди Бо́жія.

Помілуй мя, Бо́же, помілуй мя.

О безу́мный челове́че, доко́ле углеба́еши, я́ко пчела́, собира́ющи бога́тство твое́? Вско́ре бо поги́бнет, я́ко прах и пе́пел: но бо́лее взыщи́ Ца́рствія Бо́жія.

Пресвята́я Богоро́дице, спаси́ нас.

Госпоже́ Богоро́дице, помілуй мя грѣшнаго, и в добродѣтели укрепи́, и соблюди́ мя, да на́глая смерть не похититъ мя негото́ваго, и доведи́ мя, Де́во, Ца́рствія Бо́жія.

Пресвятой Богоро́дице:

Пресвята́я Богоро́дице, спаси́ нас.

Страсте́й моихъ смущѣние, ко́рмчию ро́ждшая Го́спода, и бу́рю утиши́ моихъ прегрѣше́ний, Богоневѣстная.

Пресвята́я Богоро́дице, спаси́ нас.

Милосѣрдія Твоего́ бездну призыва́ющу по́даждь ми, Яже Благосѣрдаго ро́ждшая и Спа́са всехъ, пою́щих Тя.

Пресвята́я Богоро́дице, спаси́ нас.

Наслажда́ющесея, Пречи́стая, Твои́х дарова́ний, благода́рственное воспева́ем пѣние, веду́ще Тя, Богома́терь.

Пресвятая Богородице, спаси нас.

На одре болезни моея и немощи низлежащу ми, яко благолюбива, помози, Богородице, еди́на Приснодево.

Пресвятая Богородице, спаси нас.

Надежду и утверждение, и спасения стѣну недвижиму имуще Тя, Всепѣтая, неудобства всякаго избавляемся.

Ангелу Хранителю:

Святый Ангеле Божий, хранителю мой, моли Бога о мне.

Моли Человеколюбца Бога ты, хранителю мой, и не остави мене; но присно в мире житие мое соблюди, и подаждь ми спасение не оборимое.

Святый Ангеле Божий, хранителю мой, моли Бога о мне.

Яко заступника и хранителя животу моему, прием ты от Бога, Ангеле, молю ты, святый: от всяких мя бед свободи.

Слава: Мою скверность твоєю святынею очисти, хранителю мой, и от части шуия да отлучен буду молитвами твоими, и причастник славы явлюся.

И ныне: Недоумение предлежит ми от обышедших мя зол, Пречистая, но избави мя от них скоро: к Тебе бо еди́ней прибегах.

Песнь 5

Бóжиим свѣтом Твоим, Блáже, ўтреннюющих Ти дѹши любовью озари, молюся, Ты вѣдети, Сло́ве Бóжий, и́стиннаго Бóга, от мра́ка грехо́внаго взы-
ва́юща.

Иисусу:

Помилуй мя, Бóже, помилуй мя.

Вспомяни́, окая́нный челове́че, ка́ко лжам, клеветам, разбо́ю, немо́щем, лю́тым зверём, грехо́в ра́ди порабо́щен еси́; ду́ше моя грѣш-
ная, то́го ли восхотѣла еси́?

Помилуй мя, Бóже, помилуй мя.

Трепещут ми ўди, все́ми бо сотвори́х вину́: очима́ взира́й, у́шима́ слы́шай, язы́ком зла́я глаго́ляй, все́го себѣ ге́енне преда́й; ду́ше моя́ грѣшная, се́го ли восхотѣла еси́?

Помилуй мя, Бóже, помилуй мя.

Блудника́ и разбо́йника ка́ющася прия́л еси́, Спа́се, аз же еди́н ле́ностию грехо́вною отяг-
чихся и злым деломъ порабо́тихся; ду́ше моя́ грѣшная, се́го ли восхотѣла еси́?

Пресвята́я Богороди́це, спаси́ нас.

Дѣвная и ско́рая помо́щнице всем челове́-
ком, Ма́ти Бóжия, помози́ мне недосто́йному, ду́ша́ бо моя́ грѣшная то́го восхотѣ.

Пресвятой Богороди́це:

Пресвята́я Богороди́це, спаси́ нас.

Исполни, Чѣ́стая, весѣ́лия се́рдце моѣ, Твою́
нетле́нную даю́щи ра́дость, весѣ́лия ро́ждшая
Вино́внаго.

Пресвятая Богородице, спаси нас.

Избави нас от бед, Богородице Чистая, вечное рождши избавление, и мир, всяк ум преимуций.

Пресвятая Богородице, спаси нас.

Разреши мглу прегрешений моих, Богоневесто, просвещением Твоея светлости, Свет рождшая Божественный и превечный.

Пресвятая Богородице, спаси нас.

Исцели, Чистая, души моея неможение, посещения Твоего сподобльшая, и здравие молитвами Твоими подаждь ми.

Ангелу Хранителю:

Святый Ангеле Божий, хранителю мой, моли Бога о мне.

Яко имея дерзновение к Богу, хранителю мой святый, Сего умоли от оскорбляющих мя зол избавити.

Святый Ангеле Божий, хранителю мой, моли Бога о мне.

Свете светлый, светло просвети душу мою, наставниче мой и хранителю, от Бога данный ми Ангеле.

Слава: Спяща мя зле тяготою греховную, яко бдяща сохрани, Ангеле Божий, и возстави мя на славословие молением твоим.

И ныне: Марие, Госпоже Богородице, безвестная, надеждо верных, вражия возношения низложи, поющия же Тя возвесели.

Песнь 6

Житѣйское море, воздвигаемое зря напáстей бурею, к тихому пристáнищу Твоему притѣк, вопию Ти: возведи от тли живóт мой, Многомíлостиве.

Иисусу:

Помилуй мя, Бóже, помилуй мя.

Жити́е на земли блóдно пожíх и дúшу во тьму предах, ны́не úбо молю́ Тя, Мíлостивый Влады́ко: свободи́ мя от рабóты сея́ вра́жия, и даждь ми рáзум творíти волю́ Твою́.

Помилуй мя, Бóже, помилуй мя.

Кто творит таковы́я, я́коже аз? Я́коже бо свини́я лежи́т в калу́, та́ко и аз греху́ служу́. Но Ты, Го́споди, истóргни мя от гну́са сегó и даждь ми се́рдце творíти за́поведи Твоя́.

Помилуй мя, Бóже, помилуй мя.

Восприя́н, окая́нный челове́че, к Бо́гу, воспомина́ув своя́ согрешéния, припа́дая ко Творцу́, слезя́ и стени́я; Той же, я́ко милосе́рд, даст ти ум знáти волю́ Свою́.

Пресвята́я Богороди́це, спаси́ нас.

Богороди́це Де́во, от ви́димаго и неви́димаго зла сохрани́ мя, Пречи́стая, и приими́ моли́твы моя́, и донеси́ я Сы́ну Твоему́, да даст ми ум творíти волю́ Его́.

Пресвятой Богороди́це:

Пресвята́я Богороди́це, спаси́ нас.

Сме́рти и тли я́ко спасл есть, Сам Ся изда́в сме́рти, тлени́ем и сме́ртию моё естество́ я́то

бывшее, Дево, моли Господа и Сына Твоего, врагов злодействия мя избавити.

Пресвятая Богородице, спаси нас.

Предстательницу Тя живота вем и хранительницу тверду, Дево, и напастей решащу молвы, и налоги бесов отгоняющую; и молюся всегда, от тли страстей моих избавити мя.

Пресвятая Богородице, спаси нас.

Яко стену прибежища стяжахом, и душ всеовершенное спасение, и пространство в скорбех, Отроковице, и просвещением Твоим присно радуемся: о Владычице, и ныне нас от страстей и бед спаси.

Пресвятая Богородице, спаси нас.

На одре ныне немощствуяй лежу, и несть исцеления плоти моей; но, Бога и Спаса миру и Избавителя недугов рождающая, Тебе молюся, Благой: от тли недуг возстави мя.

Ангелу Хранителю:

Святой Ангеле Божий, хранителю мой, моли Бога о мне.

Всяких мя напастей свободи, и от печалей спаси, молюся ти, святой Ангеле, данный ми от Бога, хранителю мой добрый.

Святой Ангеле Божий, хранителю мой, моли Бога о мне.

Освети ум мой, блаже, и просвети мя, молюся ти, святой Ангеле, и мыслими ми полезная всегда настави мя.

Сла́ва: Уста́ви се́рдце моё от настоя́щаго мяте́жа, и бде́ти укрепí мя во благо́их, храните́лю мой, и наста́ви мя чу́дно к тишинé живóтней.

И ны́не: Сло́во Бо́жие в Тя всели́ся, Богоро́дице, и челове́ком Тя пока́за Небе́сную ле́ствицу; Тобо́ю бо к нам Вы́шний соше́л есть.

Го́споди, поми́луй. (*Трижды.*)

Сла́ва, и ны́не:

Кондак

Душе́ моя́, почто́ греха́ми богате́еши, почто́ во́лю диа́волю твори́ши, в чесо́м наде́жду полага́еши? Преста́ни от сих и обрати́ся к Бо́гу с пла́чем, зову́щи: милосе́рде Го́споди, поми́луй мя грéшнаго.

Икос

Помы́сли, душе́ моя́, го́рький час сме́рти и Стра́шный Суд Творца́ твоего́ и Бо́га: А́нгели бо гро́знии по́ймут тя, душе́, и в вéчный огнь введу́т; у́бо пре́жде сме́рти пока́йся, вопию́щи: Го́споди, поми́луй мя грéшнаго.

Песнь 7

Росода́тельну у́бо пещь соде́ла А́нгел преподо́бным отроко́м, халде́и же опала́ющее велéние Бо́жие, мучите́ля увещá вопíти: благослове́н еси́, Бо́же оте́ц на́ших.

Иисусу:

Помилуй мя, Бóже, помилуй мя.

Не надéйся, душé моя, на тлénное богáтство и на неспрáведное собрáние, вся бо сiя не вéси кому оставиши, но возопiй: помилуй мя, Христé Бóже, недостóйнаго.

Помилуй мя, Бóже, помилуй мя.

Не уповай, душé моя, на телéсное здравие и на скоромимоходящую красоту, видиши бо, я́ко сiльнии и младii умирают, но возопiй: помилуй мя, Христé Бóже, недостóйнаго.

Помилуй мя, Бóже, помилуй мя.

Вспомяни, душé моя, вéчное житиé, Цáрство Небéсное, уготóванное святým, и тьму кромéшную и гнев Бóжий злым, и возопiй: помилуй мя, Христé Бóже, недостóйнаго.

Пресвятáя Богородице, спаси нас.

Припадi, душé моя, к Бóжией Мáтери и помолiся Той, есть бо скóрая помóщница кающимся, умóлит Сына Христа Бóга, и помилует мя недостóйнаго.

Пресвятой Богородице:

Пресвятáя Богородице, спаси нас.

Нáше спасéние я́коже восхотéл еси́, Спáсе, устроити, во утробу Дéвья вселился еси́, Юже мiру предстáтельница показал еси́: отéц нáших Бóже, благословén еси́.

Пресвятáя Богородице, спаси нас.

Воли́теля мiлости, Егóже родила́ еси́, Мáти Чiстая, умоли́, избáвиться от прегрешéний

и душевных скверн, верою зовущим: отец наших Бóже, благословен еси́.

Пресвятая Богородице, спаси нас.

Сокровище спасения и Источник нетления, Ты рождшую, и столп утверждения, и дверь покаяния, зовущим показал еси́: отец наших Бóже, благословен еси́.

Пресвятая Богородице, спаси нас.

Телесныя слабости и душевныя недуги, Богородительнице, любовьию приступающих ко крову Твоему́, Дево, исцелити сподоби, Спаса Христа́ нам рождшая.

Ангелу Хранителю:

Святый Ангеле Бóжий, хранителю мой, моли Бóга о мне.

Милостив буди ми и умоли Бóга, Господень Ангеле, имео бо ты заступника во всем животе моём, наставника же и хранителя, от Бóга дарованного ми во веки.

Святый Ангеле Бóжий, хранителю мой, моли Бóга о мне.

Не остави в путь шествующия души́ моея́ окаянныя убити разбойником, святый Ангеле, яже ти от Бóга предана бысть непорочне; но настави ю на путь покаяния.

Слава: Всю посрамлену́ душу́ мою́ привожду́ от лукавых ми помысл и дел; но предварй, наставниче мой, и исцеление ми подаждь благими помыслы, уклоняти ми ся всегда́ на правыя стези́.

И ныне: Премудрости исполни всех и крепости Божественныя, Ипостасная Премудросте Вышняго, Богородицы ради, верую вопиющих: отец наших Боже, благословен еси.

Песнь 8

Из пламене преподобным росу источил еси и праведнаго жертву водою попалил еси, вся бо твориши, Христе, токмо еже хотети. Тя превозносим во вся веки.

Иисусу:

Помилуй мя, Боже, помилуй мя.

Како не имам плакаться, егда помышляю смерть, видех бо во гробе лежаща брата моего, безславна и безобразна? Что убо чаю, и на что надеюся? Токмо даждь ми, Господи, прежде конца покаяние. *(Дважды.)*

Помилуй мя, Боже, помилуй мя.

Верую, яко приидеши судити живых и мертвых, и вси во своем чину станут, стари и млади, владыки и князи, девы и священницы; где обрщуся аз? Сего ради вопию: даждь ми, Господи, прежде конца покаяние.

Пресвятая Богородице, спаси нас.

Пречистая Богородице, прими недостойную молитву мою, и сохрани мя от наглыя смерти, и даруй ми прежде конца покаяние.

Пресвятой Богородице:

Пресвятая Богородице, спаси нас.

Помощи, яже от Тебе, требующия не презри, Дево, поющия и превозносящия Тя во веки.

Пресвятая Богородице, спаси нас.

Неможение души моея исцеляеши и телесныя болезни, Дево, да Тя прославлю, Чистая, во веки.

Пресвятая Богородице, спаси нас.

Исцелений богатство изливаеши верно поющим Тя, Дево, и превозносящим неизреченное Твое рождество.

Пресвятая Богородице, спаси нас.

Напастей Ты прилоги отгоняеши и страстей находы, Дево: темже Тя поем во вся веки.

Ангелу Хранителю:

Святый Ангеле Божий, хранителю мой, моли Бога о мне.

От Бога посланный, утверди живот мой, раба твоего, преблагий Ангеле, и не остави мене во веки.

Святый Ангеле Божий, хранителю мой, моли Бога о мне.

Ангела ты суща блага, души моея наставника и хранителя, преблаженне, воспеваю во веки.

Слава: Буди ми покров и забрало в день испытания всех человек, воньже огнем искупаются дела благая же и злая.

И ныне: Буди ми помощница и тишина, Богородице Приснодево, рабу Твоему, и не остави мене лишена быти Твоего владычества.

Песнь 9

Бога человеком невозможно видети, на Негоже не смеют чини Ангельстии взирати; Тобою же, Всечистая, явися человеком Слово Воплощенно. Егоже величающе, с Небесными вои Тя ублажаем.

Иисусу:

Помилуй мя, Боже, помилуй мя.

Ныне к вам прибегаю, Ангели, Архангели и вся Небесныя Силы, у Престола Божия стоящии, молитесь ко Творцу своему, да избавит душу мою от муки вечныя.

Помилуй мя, Боже, помилуй мя.

Ныне плачуся к вам, святии патриарси, цари и пророцы, апостоли и святители и вси избраннии Христовы: помозите ми на суде, да спасет душу мою от силы вражия.

Помилуй мя, Боже, помилуй мя.

Ныне к вам воздежу рuce, святии мученицы, пустынницы, девственницы, праведницы и вси святии, молящиися ко Господу за весь мир, да помилует мя в час смерти моея.

Пресвятая Богородице, спаси нас.

Мати Божия, помози ми, на Тя сильно надеющемуся, умоли Сына Своего, да поставит мя недостойнаго одесную Себе, егда сядет судый живых и мертвых. Аминь.

Пресвятой Богородице:

Пресвятая Богородице, спаси нас.

Тока слез моих не отврати́ся, Яже от всякаго лица́ всяку слезу отъѣмшаго, Дево, Христа́ рожда́шая.

Пресвятая Богородице, спаси нас.

Ра́дости мое́ се́рдце испо́лни, Дево, Яже ра́дости приѣмшая исполне́ние, грехо́вную печаль потребля́ющи.

Пресвятая Богородице, спаси нас.

Приста́нище и предста́тельство к Тебе́ прибега́ющих бу́ди, Дево, и стена́ неруши́мая, прибе́жище же и покрóв и весе́лие.

Пресвятая Богородице, спаси нас.

Свѣта Твоего́ заря́ми просвети́, Дево, мрак неведѣния отгоня́ющи, благове́рно Богороди́цу Тя испове́дающих.

Пресвятая Богородице, спаси нас.

На ме́сте озлобле́ния немо́щи смири́вшагося, Дево, исцели́, из нездра́вия во здра́вие претворя́ющи.

Ангелу Хранителю:

Господи Иисусе Христе́, Бо́же мой, помилуй мя.

Помилуй мя, еди́не Спа́се мой, я́ко ми́лостив еси́ и ми́лосе́рд, и пра́ведных ликóв сотвори́ мя прича́тника.

Святы́й А́нгеле Бо́жий, храни́телю мой, моли́ Бо́га о мне.

МЫслити ми прѣсно и творѣти, Господень Ангеле, благая и полезная даруй, яко сильна яви в немощи и непорочна.

Слава: Яко имея дерзновение к Царю Небесному, Того моли, с прочими безплотными, помилovati мя окаяннаго.

И ныне: Много дерзновение имущи, Дево, к Воплощшемуся из Тебе, преложи мя от уз и разрешение ми подаждь и спасение молитвами Твоими.

Молитва ко Господу нашему Иисусу Христу

Господу помолимся. Господи, помилуй.

Владыко Христе Боже, Иже страстьми Своими страсти моя исцеливый и язвами Своими язвы моя уврачевавый, даруй мне, много Тебе прегрешившему, слезы умиления; сраствори моему телу от обоняния Животворящаго Тела Твоего и наслади душу мою Твоею Честною Кровию от горести, еюже мя сопротивник напои; возвыси мой ум к тебе, долу поникший, и возведи от пропасти погибели; яко не имам покаяния, не имам умиления, не имам слезы утешительныя, возводящая чада ко своему наследию. Омрачихся умом в житейских страстях, не могу возрети к Тебе в болезни, не могу согреться слезами, яже к Тебе любви. Но, Владыко Господи Иисусе Христе, сокровище благих, даруй мне покаяние всецелое и сердце

люботрудное во взыскание Твое, даруй мне благодать Твою и обновй во мне зраки Твоего образа. Оставих Тя, не остави мене; изыде на взыскание мое, возведи к пажити Твоей и сопричти мя овцам избраннаго Твоего стада, воспитай мя с ними от злака Божественных Твоих Таинств, молитвами Пречистыя Твоея Матере и всех святых Твоих. Аминь.

Молитва ко Пресвятой Богородице

Пресвятая Богородице, спаси нас.

Царице моя преблагая, надеждо моя Богородице, приятелице сирых и странных предстательнице, скорбящих радости, обидимых покровительнице! Зриши мою беду, зриши мою скорбь: помози ми яко немощну, окорми мя яко странна. Обиду мою веси, разреши ту, яко волиши: яко не имам инья помощи разве Тебе, ни инья предстательницы, ни благия утешительницы, токмо Тебе, о Богомати, яко сохраниши мя и покрыеши во веки веков. Аминь.

Молитва Ангелу Хранителю

Святый Ангеле Божий, хранителю мой, моли Бога о мне.

Ангеле Христов святый, к тебе припадая молюся, хранителю мой святый, приданный мне на соблюдение души и телу моему грешному от святого крещения. Аз же своею леностию и своим злым обычаем прогневах твою

пречістую свѣтлость и отгнахъ ты отъ себѣ всеми студными дѣлы: лжѣми, клеветѣми, завистию, осужденіемъ, презорствомъ, непокорствомъ, братоненавидѣніемъ и злопомненіемъ, сребролюбіемъ, прелюбодеянїемъ, яростию, скупостію, объяденіемъ безъ сѣтости и опивствомъ, многоглаболаніемъ, злыми помысли и лукавыми, гордымъ обычаемъ и блуднымъ возбешеніемъ, имѣй самохотѣніе на всякое плотское вождѣленіе. О злое мое произволѣніе, егѣже и скѣти безсловеснии не творятъ! Да како возможеши возрѣти на мя, или приступити ко мнѣ, аки ко псу смердящему? Которыма очима, Ангеле Христовъ, возрѣши на мя, оплетшася зле во гнусныхъ дѣлахъ? Да како уже возмогу отпущенія просити горькимъ и злымъ моимъ и лукавымъ деяніемъ, въ няже впадаю по вся дни и нѣщи и на всякъ часъ? Но молюся ти припадая, хранителю мой святѣй, умилосердися на мя грѣшнаго и недостѣйнаго раба твоего (*имя*), буди ми помощникъ и заступникъ на злаго моего сопротивника, святѣми твоими молитвами, и Царствия Божия причастника мя сотвори со всеми святѣми, всегда, ныне и присно и во веки вековъ. Аминь.

Достѣйно есть: Слава, и ныне: Господи, помилуй. (*Трижды.*)

Молитвами святѣхъ отецъ нашихъ, Господи Иисусе Христе Боже нашъ, помилуй насъ. Аминь.

ПОСЛЕДОВАНИЕ КО СВЯТОМУ ПРИЧАЩЕНИЮ

Молітвами святых отец наших, Господи Иисусе Христе Боже наш, помилуй нас. Аминь.

Царю Небесный: Трисвятое. Пресвятая Троице: Отче наш: Господи, помилуй (12 раз). Слава, и ныне: Приидите, поклонимся: (Трижды.) И псалмы:

Псалом 22

Господь пасет мя, и ничтоже мя лишит. На месте злачне, тамо всели мя, на воде покойне воспита мя. Душу мою обрати, настави мя на стези правды, имене ради Своего. Аще бо и пойду посреде сени смертных, не убоюся зла, яко Ты со мною еси: жезл Твой и палица Твоя, та мя утешиста. Уготовал еси предо мною трапезу сопротив стужающим мне: умастил еси елеом главу мою, и чаша Твоя упоявующи мя, яко державна. И милость Твоя поженет мя вся дни живота моего, и еже вселити ми ся в дом Господень в долготу дней.

Псалом 23

Господня земля, и исполнение ея, вселенная и вси живущии на ней. Той на морях основал

ю есть и на реках уготóвал ю есть. Кто взýдет на гóру Госпóдню? Или кто стáнет на мéсте святém Егó? Неповíнен рукама, и чист сéрдцем, íже не прíят всýе дýшу свою и не клýтся лéстию íскреннему своему. Сей прíимет благословéние от Гóспода и мýлостыню от Бóга, Спáса своего. Сей род íщущих Гóспода, íщущих лицé Бóга Иáковля. Возмíte вратá князи вáша, и возмíteся вратá вéчная: и внидет Царь слáвы. Кто есть сей Царь слáвы? Госпóдь крéпок и сýлен, Госпóдь сýлен в брáни. Возмíte вратá князи вáша, и возмíteся вратá вéчная: и внидет Царь слáвы. Кто есть сей Царь слáвы? Госпóдь сил, Той есть Царь слáвы.

Псалом 115

Вéровах, тэмже возглагóлах: аз же смир́ихся зело. Аз же рех во изступлénии моём: всяк человек ложь. Что воздам Гóсподеви о всех, яже воздаде ми? Чáшу спасéния приимú и íмя Госпóдне призовú: молítвы моя Гóсподеви воздам пред всеми людьми Егó. Честна́ пред Гóсподем смерть преподóбных Егó. О Гóсподи, аз раб Твой, аз раб Твой и сын рабыни Твоея: растерзál еси́ úзы моя. Тебе пожрú жéртву хвалы́, и во íмя Госпóдне призовú. Молítвы моя Гóсподеви воздам пред всеми людьми Егó, во двóрех дóму Госпóдня, посреде тебе́, Иерусали́ме.

Слáва, и ны́не: Аллилúя. (Трижды.)

И три поклона.

Тропари, глас 8-й

Беззаконія моя презри, Господи, от Девы рождейся, и сердце мое очисти, храм то творя пречистому Твоему Телу и Крови, ниже отрини мене от Твоего лица, без числа имей велию милость.

Слава: Во причастие святых Твоих како дерзну недостойный? Аще бо дерзну к Тебе приступити с достойными, хитон мя обличает, яко несть вечерний, и осуждение исходатайствую многогрешной души моей. Очисти, Господи, скверну души моей, и спаси мя, яко Человеколюбец.

И ныне: Многая множества моих, Богородице, прегрешений, к Тебе прибегах, Чистая, спасения требуя: посети немощствующую мою душу, и моли Сына Твоего и Бога нашего, дати ми оставление, яже содеях лютых, Единая благословенная.

[Во святую же Четыредесятницу:

Егда славнии ученицы на умовении вечера просвещаяхуся, тогда Иуда злочестивый сребролюбием недоговав омрачашеся, и беззаконным судиям Тебе праведнаго Судию предаёт. Видь, имений рачителю, сих ради удавление употребивша: бежи несытыя души, Учителю таковая дерзнувшия. Иже о всех благий Господи, слава Тебе.]

Псалом 50: Помилуй мя, Боже... (см. с. 6)

КАНОН, глас 2-й

Песнь 1

Грядите, лю́дие, по́йм песнь Христу́ Бо́гу, раз-
дельшему мо́ре и наста́вльшему лю́ди, я́же изведе́
из рабо́ты египетския, я́ко просла́вился.

**Сёрдце чи́сто сози́жди во мне, Бо́же, и дух прав
обнови́ во утробе моёй.**

Хлеб живота́ вѣчнующаго да бу́дет ми Тѣло
Твое́ Свято́е, благоутро́бне Го́споди, и Чест-
на́я Кро́вь, и недугъ многообразных исцелѣние.

**Не отвѣржи мене́ от лица́ Твоего́, и Ду́ха Твоего́
Свята́го не отыми́ от мене́.**

Оскверне́н дѣлы безме́стными окаянный,
Твоего́ Пречы́стаго Тѣла и Божѣственныя Кро́-
ве недосто́ин есмь, Христѣ́, причаще́ния, егѡ́-
же мя сподо́би.

Пресвята́я Богородице, спаси́ нас.

Богородичен: Земле́ благая́, благословѣ́нная
Богоневѣсто, клас прозя́бшая неора́нный и
спаси́тельный ми́ру, сподо́би мя сей яду́ща
спасти́ся.

Песнь 3

На ка́мени мя ве́ры утверди́в, расшири́л еси́
уста́ моя́ на враги́ моя́. Возвесели́ бо ся дух мой,
внегда́ пѣти: несть свят, я́коже Бог наш, и несть
пра́веден па́че Тебе́, Го́споди.

**Сёрдце чи́сто сози́жди во мне, Бо́же, и дух прав
обнови́ во утробе моёй.**

Слёзные ми подаждь, Христэ, капли, скверну сердца моего очищающия: яко да благою совестию очищен, верою прихожду и страхом, Владыко, ко причащению Божественных даров Твоих.

Не отвержи мене от лица Твоего, и Духа Твоего Святаго не отыми от мене.

Во оставление да будет ми прегрешений Пречистое Тело Твое и Божественная Кровь, Духа же Святаго общение, и в жизнь вечную, Человеколюбче, и страстей и скорбей отчуждение.

Пресвятая Богородице, спаси нас.

Богородичен: Хлеба животнаго Трапеза Пресвятая, свыше милости ради спешаго, и мирови новый живот дающаго, и мене ныне сподоби недостойнаго, со страхом вкусите сего, и живу быти.

Песнь 4

Пришел еси от Девы, не ходатай, ни Ангел, но Сам, Господи, воплощся, и спасл еси всего мя человека. Тем зову Ти: слава силе Твоей, Господи.

Сердце чисто созижди во мне, Боже, и дух прав обнови во утробе моей.

Восхотел еси, нас ради воплощся, Многомилостиве, заклан быти яко овча, грех ради человеческих; темже молю Тя, и моя очисти согрешения.

Не отвержи мене от лица Твоего, и Духа Твоего Святаго не отыми от мене.

Исцели души моея язвы, Господи, и всего освяти; и сподоби, Владыко, яко да причащуся тайныя Твоея Божественныя вечери, окаянный.

Пресвятая Богородице, спаси нас.

Богородичен: Умилостиви и мне Сущаго от утробы Твоея, Владычице, и соблюди мя нескверна раба Твоего и непорочна, яко да прием умнаго бисера, освящуся.

Песнь 5

Света подателю и веков Творче, Господи, во свете твоих повелений настави нас; разве бо Тебе иного бога не знаем.

Сердце чисто созижди во мне, Боже, и дух прав обнови во утробе моей.

Якоже предрекл еси, Христе, да будет убо худому рабу Твоему, и во мне пребуди, якоже обещался еси: се бо Тело Твое ям Божественное и пию Кровь Твою.

Не отвержи мене от лица Твоего, и Духа Твоего Святаго не отыми от мене.

Слове Божий и Боже, уголь Тела Твоего да будет мне помраченному в просвещение, и очищение оскверненной души моей Кровь Твоя.

Пресвятая Богородице, спаси нас.

Богородичен: Марие, Мати Божия, благоухания честное селение, Твоими молитвами сосуд мя избранный соделай, яко да освященный причащуся Сына Твоего.

Песнь 6

В бѣзднѣ греховней валяяся, неизслѣдную милосердія Твоего призываю бѣздну: от тли, Бѣже, мя возведи́.

Сѣрдце чисто созиди во мнѣ, Бѣже, и дух прав обнови́ во утрѣбѣ мое́й.

Ум, ду́шу и сѣрдце освяти́, Спа́се, и тѣло мое́, и сподоби неосужденно, Влады́ко, к стра́шным Та́йнам приступи́ти.

Не отвѣржи мене́ от лица́ Твоего́, и Ду́ха Твоего́ Свята́го не отыми́ от мене́.

Да бых устрани́лся от страсте́й, и Твоея́ благодати́ имѣл бы приложѣние, живота́ же утверждѣние, причаще́нием Святы́х, Христѣ́, Та́ин Твои́х.

Пресвята́я Богородице, спаси́ нас.

Богородичен: Бѣжие, Бѣже, Сло́во Свято́е, всего́ мя освяти́, ны́не приходя́щаго к Божѣст-венным Твои́м Та́йнам, Святы́я Ма́тере Твоея́ мольба́ми.

Го́споди, помилуй. (*Трижды.*)

Сла́ва, и ны́не:

Кондак, глас 2-й

Хлеб, Христѣ́, взяти не прѣзри мя, Тѣло Твое́ и Божѣственную Твою́ ны́не Кровь, пречистых, Влады́ко, и стра́шных Твои́х Та́ин причасті-тися окаяннаго; да не бу́дет ми в суд, да бу́дет же ми в живѣт вѣчный и безсмѣртный.

Песнь 7

Тѣлу златому премудрыя дѣти не послужѣша, и в пламень сами поидоша, и боги их обругаша, среди пламене возопѣша, и оросѣ я Ангел: услышася уже уст ваших молитва.

Сердце чисто созижди во мне, Боже, и дух прав обнови во утробе моей.

Источник благих, причащение, Христѣ, безсмертных Твоих ныне Таинств да будет ми свет, и живот, и безстрастие, и к преспеянию же и умножению добродетели Божественнейшия ходатайственно, еди́не Блаже, яко да славлю Тя.

Не отвержи мене от лица Твоего, и Духа Твоего Святого не отыми от мене.

Да избавлюся от страстей, и врагов, и нужды, и всякия скорби, трепетом и любовью со благоговением, Человеколюбче, приступаяй ныне к Твоим безсмертным и Божественным Тайнам, и пѣти Тебѣ сподоби: благословен еси, Господи, Боже отец наших.

Пресвятая Богородице, спаси нас.

Богородичен: Спаса Христа рождающая паче ума, Богоблагодатная, молю Тя ныне раб Твой, Чистую нечистый: хотящаго мя ныне к пречистым Тайнам приступити, очисти всего от скверны плоти и духа.

Песнь 8

В пещь огненную ко отроком еврейским снизшедшаго, и пламень в росу преложшаго Бога, пойте дела яко Господа, и превозносите во вся веки.

Сердце чисто созижди во мне, Боже, и дух прав обнови во утробе моей.

Небесных и страшных и святых Твоих, Христе, ныне Таин, и Божественная Твоя и тайная вечера общника быти и мене сподоби отчаяннаго, Боже Спасе мой.

Не отвержи мене от лица Твоего, и Духа Твоего Святаго не отыми от мене.

Под Твое прибеж благоутробие, Блаже, со страхом зову Ти: во мне пребуди, Спасе, и аз, якоже рекл еси, в Тебе; се бо, дерзая на милость Твою, ям Тело Твое и пью Кровь Твою.

Пресвятая Троице, Боже наш, слава Тебе.

Троичен: Тrepещу, приемля огонь, да не оплещу яко воск и яко трава; оле страшнаго таинства! оле благоутробия Божия! Како Божественнаго Тела и Крове брение причащаюся, и нетленен сотворяюся?

Песнь 9

Безначальна Родителя Сын, Бог и Господь, воплощся от Девы нам явися, омраченная просветити, собрати расточенная: тем всепетую Богородицу величаем.

Сердце чисто созижди во мне, Боже, и дух прав обнови во утробе моей.

Христосъ есть, вкусите и видите: Господь нас ради, по нам бо древле бывый, единою Себе принёс, яко приношение Отцу Своему, присно закаляется, освящаяй причащающихся.

Не отвержи мене от лица Твоего, и Духа Твоего Святаго не отыми от мене.

Душею и телом да освящуся, Владыко, да просвещуся, да спасуся, да буду дом Твой причащением Священных Таин, живущаго Тя имея в себе со Отцем и Духом, Благодетелю Многомилостиве.

Воздаждь ми радость спасения Твоего и Духом Владычним утверди мя.

Якоже огонь да будет ми и яко свет Тело Твое и Кровь, Спасе мой, пречестная, опалая греховное вещество, сжигая же страстей терние, и всего мя просвещая, поклонятися Божеству Твоему.

Пресвятая Богородице, спаси нас.

Богородичен: Бог воплотися от чистых кровей Твоих; темже всякий род поёт Тя, Владычице, умная же множества славят, яко Тобою яве узреша всеми Владычествующаго, осуществовавшагося человечеством.

Достойно есть: Трисвятое. Пресвятая Троице: Отче наш:

Тропарь дня или праздника.

Если неделя, тропарь воскресный по гласу. Если же нет, настоящие тропари, глас 6-й:

Помілуй нас, Гóсподи, помілуй нас; всякаго бо отвѣта недоумѣюще, сию Ти молитву, яко Влады́це, грѣшнии приносим: помілуй нас.

Сла́ва: Гóсподи, помілуй нас, на Тя бо упова́хом; не прогне́вайся на ны зело́, ниже́ помяни́ беззако́ний на́ших, но при́зри и ны́не, яко́ Благоутро́бен, и изба́ви ны от враг на́ших. Ты бо еси́ Бог наш, и мы лю́дие Тво́й, вси дела́ рукú Твоёю, и и́мя Твоё призыва́ем.

И ны́не: Милосе́рдия двѣри отвѣрзи нам, благослове́нная Богоро́дице, наде́ющиися на Тя да не поги́бнем, но да изба́вимся Тобо́ю от бед: Ты бо еси́ спасе́ние ро́да христиа́нскаго.

Гóсподи, помілуй (40 раз).

И поклоны, сколько хочешь. И стихи:

Хотя́ ясти, челове́че, Тѣло Влады́чне,
Стра́хом присту́пи, да не опали́шися:

огнь бо есть.

Божѣственную же пия́ Кровь ко общѣнию,
Пе́рвее прими́рися тя опеча́лившим.

Та́же дерза́я та́инственное бра́шно яждь.

Пре́жде прича́стия стра́шныя же́ртвы,

Жи́вотворяща́го Тѣла Влады́чня,

Сим помолі́ся о́бразом со трѣпетом:

Молитва святого Василия Великого, 1-я

Влады́ко Гóсподи Иисúсе Христé, Бо́же наш, исто́чнице жи́зни и безсме́ртія, всея́ тва́ри ви́димыя и неви́димыя Соде́телю, Безнача́льнаго

Отца Соприсносущный Сыне и Собозначальный, премногия ради благодости в последние дни в плоть оболкийся, и распныйся, и погребыйся за ны неблагодарныя и злонравныя, и Твоею Кровию обновивый растлевшее грехом естество наше, Сам, безсмертный Царю, прими и мое грешнаго покаяние, и приклони ухо Твое мне, и услыши глаголы моя. Согреших бо, Господи, согреших на небо и пред Тобою, и несмь достоин возрети на высоту славы Твоея: прогневах бо Твою благодость, Твоя заповеди преступив, и не послушав Твоих повелений. Но Ты, Господи, незлобив сый, долготерпелив же и многомилостив, не предал еси мя погибнути со беззаконьми моими, моего всячески ожидая обращения. Ты бо рекл еси, Человеколюбче, пророком Твоим: яко хотением не хочу смерти грешника, но еже обратитися и живу быти ему. Не хочещи бо, Владыко, создания Твоею руку погубити, ниже благоволиши о погибели человечестей, но хочещи всем спастися, и в разум истины приити. Тем же и аз, аще и недостойн есмь небесе и земли, и сея привременныя жизни, всего себе повинув греху и сластем поработив, и Твой осквернив образ; но творение и создание Твое быв, не отчаяваю своего спасения окаянный, на Твое же безмерное благоутробие дерзая, прихожду. Приими убо и мене, Человеколюбче Господи, якоже блудницу, яко разбойника, яко мытаря

и яко блуднаго, и возми мое тяжкое бремя грехов, грех вземляй мира, и немощи человеческия исцеляяй, труждающихся и обремененных к Себе призываяй и упокоеваяй, не пришедый призвати праведных, но грешных на покаяние. И очисти мя от всякия скверны плоти и духа, и научи мя совершати святыню во страхе Твоем: яко да чистым сведением совести моея, святынь Твоих часть приемля, соединюся святому Телу Твоему и Крови, и имею Тебе во мне живуща и пребывающа, со Отцем и Святым Твоим Духом. Ей, Господи Иисусе Христе Боже мой, и да не в суд ми будет причастие Пречистых и Животворящих Таин Твоих, ниже да немощен буду душею же и телом, от еже недостойне тем причащатися. Но даждь ми даже до конечнаго моего издыхания неосужденно восприимати часть Святынь Твоих, в Духа Святаго общение, в напутие живота вечнаго, и во благоприятен ответ на Страшнем Судищи Твоем: яко да и аз со всеми избранными Твоими общник буду нетленных Твоих благ, яже уготовал еси любящим Тя, Господи, в нихже препрославлен еси во веки. Аминь.

Молитва святого Иоанна Златоуста, 2-я

Господи Боже мой, вем, яко несмь достоин, ниже доволен, да под кров внидеши храма души моея, занеже весь пуст и пался есть, и не

имаши во мне мѣста достѡйна, еже главѹ под-
клонити; но якоже с высоты нас ради смирил
еси Себе, смирися и ныне смиренію моему.
И якоже воспріял еси в вертепе и в яслех без-
словесных возлещї, сице воспримї и в яслех
безсловесныя моея души, и во оскверненное
мое тѣло внїти. И якоже не неудостоил еси
внїти, и свечеряти со грѣшники в дому Сїмона
прокаженнаго, тако изволи внїти и в дом сми-
ренныя моея души, прокаженныя и грѣшныя.
И якоже не отрїнул еси подобную мне блуд-
ницу и грѣшную, пришѣдшую и прикоснѹв-
шуюся Тебѣ, сице умилисердися и о мне грѣш-
нем, приходящем и прикасающем Ти ся. И яко-
же не возгнушался еси скверных ея уст и не-
чїстых, целѹющих Тя, ниже моих возгнушай-
ся скверных онаы уст и нечїстших, ниже
мерзких моих и нечїстых устен, и сквернаго
и нечїстейшаго моего языка. Но да бѹдет ми
угль Пресвятаго Твоего Тѣла и Честныя Твоея
Крѡве, во освященїе и просвещенїе и здравїе
смиренней моея души и тѣлу, во облегченїе
тяжестей многых моих согрешенїй, в соблю-
денїе от всякаго дявольскаго дѣйства, во от-
гнанїе и возбраненїе злаго моего и лукаваго
обычая, во умерщвленїе страстей, в снабденїе
заповедей Твоих, в приложенїе Божественныя
Твоея благодати и Твоего Царствїя присвое-
нїе. Не бо яко презираяй прихождѹ к Тебѣ,
Христѣ Бѡже, но яко дерзая на неизреченную

Твою́ бла́гость, и да не на мно́зе удаля́йся общёния Твоего́, от мы́сленнаго во́лка звероуловлён бу́ду. Те́мже молю́ся Тебе́: я́ко Еди́н сый Свят, Влады́ко, освяти́ мою́ ду́шу и те́ло, ум и се́рдце, чревеса́ и утробы́, и всего́ мя обновí, и вкорени́ страх Твой во удесéх мо́их, и освящёние Твое́ неотъёмлемо от мене́ сотвори́; и бу́ди ми помо́щник и заступник, окормля́я в ми́ре живóт мой, сподобля́я мя и одесну́ю Тебе́ предстоя́ния со святы́ми Тво́ими, моли́твами и моле́ньми Пречы́стия Твоея́ Матере, неве́щественных Тво́их служите́лей и Пречы́стых сил, и всех святы́х, от ве́ка Тебе́ благоугоди́вших. Ами́нь.

Молитва Симеона Метафраста, 3-я

Еди́не чы́стый и нетле́нный Го́споди, за неизрече́нную ми́лость человеколю́бия на́ше все восприе́мый сме́шение, от чы́стых и де́вственных кровей па́че естества́ Ро́ждшия Тя, Ду́ха Божёственнаго нашёствием и благоволе́нием Отца́ присносу́щнаго, Христё Иисусе, премудро́сте Бо́жия, и ми́ре, и си́ло; Тво́им восприя́тием животворя́щая и спаси́тельная страда́ния восприе́мый, крест, гво́здия, копиё, смерть, умертв́и моя́ душетле́нная стра́сти телёсныя. Погребёнием Тво́им а́дова плени́вый ца́рствия, погребí моя́ благи́ми по́мыслы лука́вая сове́тования, и лука́вствия ду́хи разори́. Триднёвным Тво́им и живонóсным воскре́сением

падшаго праотца возста́вивый, возста́ви мя грехо́м попо́лзшагося, о́бразы мне пока́яния предлага́я. Пресла́вным Твои́м вознесе́нием плотско́е обожи́вый восприя́тие, и си́е десны́м Отца́ седе́нием почты́й, сподо́би мя прича́тием Святы́х Твои́х Таин десну́ю часть спаса́емых получи́ти. Снѣтием Уте́шителя Твоего́ Ду́ха сосу́ды че́стны священныя Тво́я учени́кѣ соде́лавый, приятелище и мене́ покажи́ Того́ прише́ствия. Хотя́й па́ки приити́ суди́ти вселе́нней правдо́ю, благоволи́ и мне усре́сти Тя на о́блацех, Судию́ и Созда́теля моего́, со все́ми святы́ми Твои́ми: да безконечно́ славосло́влю и воспева́ю Тя, со Безнача́льным Твои́м Отце́м, и Пресвяты́м и Благо́им и Животво́рящим Твои́м Ду́хом, ны́не и прѣсно и во ве́ки веко́в. Ами́нь.

Молитва святого Иоанна Дамаскина, 4-я

Влады́ко Го́споди Иису́се Христе́ Бо́же наш, еди́не имѣя́й власть челове́ком оставля́ти грехи́, я́ко благ и Человеколю́бец прѣзри моя́ вся в ве́дении и не в ве́дении прегреше́ния, и сподо́би мя неосужде́нно причастѣ́тися Божѣстvenных, и пресла́вных, и пречи́стых, и живото́творящих Твои́х Таин, не в тя́жесть, ни в му́ку, ни в приложе́ние грехо́в, но во очище́ние, и освяще́ние, и обруче́ние бу́дущаго живота́ и Ца́рствия, в стѣну́ и по́мощь, и в возраже́ние сопроти́вных, во истребле́ние мно́гих мои́х

согрешений. Ты бо еси Бог милости и щедрот, и человеколюбия, и Тебе славу возсылаем, со Отцем и Святым Духом, ныне и присно и во веки веков. Аминь.

Молитва святого Василия Великого, 5-я

Вем, Господи, яко недостойне причащаюся Пречистаго Твоего Тела и Честныя Твоея Крове, и повинен есмь, и суд себе ям и пию, не разсуждая Тела и Крове Тебе Христа и Бога моего, но на щедроты Твоя дерзая, прихожду к Тебе рекшему: ядый Мою Плоть, и пий Мойю Кровь, во Мне пребывает, и Аз в нем. Умилосердися убо, Господи, и не обличи мя грешнаго, но сотвори со мною по милости Твоей; и да будут ми Святаыя сия во исцеление, и очищение, и просвещение, и сохранение, и спасение, и во освящение души и тела; во отгнание всякаго мечтания, и лукаваго деяния, и действия диавольскаго, мысленне во удесех моих действующаго, в дерзновение и любовь, яже к Тебе; во исправление жития и утверждение, в возвращение добродетели и совершенства; во исполнение заповедей, в Духа Святаго общение, в напутие живота вечнаго, во ответ благоприятен на Страшнем Судищи Твоем: не в суд или в осуждение.

Молитва святого Симеона Нового Богослова, 6-я

От скверных устен, от мерзкаго сердца, от нечистаго языка, от души осквернены, приими моление, Христе мой, и не презри моих ни словес, ниже образов, ниже безстыдия. Дажь ми дерзновенно глаголати, яже хочу, Христе мой, паче же и научи мя, что ми подобает творити и глаголати. Согреших паче блудницы, яже уведи, где обитаеши, миро купивши, прииде дерзостне помазати Твой ноге, Бога моего, Владыки и Христа моего. Якоже ону не отринул еси пришедшую от сердца, ниже мене возгнушайся, Слово: Твой же ми подаждь ноге и держати, и целовати, и струями слезными, яко многоценным миром, сия дерзостно помазати. Омый мя слезами моими, очисти мя ими, Слово. Остави и прегрешения моя, и прощение ми подаждь. Веси зол множество, веси и струпы моя, и язвы зриши моя; но и веру веси и произволение зриши, и воздыхание слышиши. Не тайтся Тебе, Боже мой, Творче мой, Избавителю мой, ниже капля слезная, ниже капли часть некая. Несоделанное мое видесте очи Твой, в книзе же Твоей и еще несоделянная написана Тебе суть. Видь смирение мое, видь труд мой елик, и грехи вся остави ми, Боже всяческих: да чистым сердцем, притрепетною мыслию и душею сокрушенною, нескверных Твоих причащуся и пресвятых Таин, имиже оживляется и обожается всяк ядый же и пий

чѣстымъ сѣрдцемъ. Ты бо рекл еси, Владыко мой: всякъ ядый Мою Плоть и пийый Мою Кровь во Мне убо сей пребываетъ, в немже и Аз есмь. Истинно слово всяко Владыки и Бога моего: Божественныхъ бо причащаяся и боготворящихъ благодатей, не убо есмь единъ, но с Тобою, Христѣ мой, Свѣтомъ трисолнечнымъ, просвѣщающимъ миръ. Да убо не единъ пребуду кромѣ Тебѣ Живодавца, дыханія моего, живота моего, радования моего, спасенія миру. Сего ради къ Тебѣ приступихъ, якоже зриши, со слезами и душею сокрушенною; избавленія моихъ прегрешеній прошу пріяти ми, и Твоихъ живодательныхъ и непорочныхъ Таинствъ причастіи неосужденно; да пребудеши, якоже рекл еси, со мною треокайнымъ: да не кромѣ обрѣт мя Твоея благодати, прелестникъ восхититъ мя льстивне, и прельстивъ отведетъ боготворящихъ Твоихъ словесъ. Сего ради къ Тебѣ припадаю и тепле вопію Ти: якоже блуднаго пріял еси и блудницу прішедшую, тако пріими мя блуднаго и сквернаго, Щедре. Душею сокрушенною, нынѣ бо къ Тебѣ приходя, вемъ, Спасе, яко иный, якоже азъ, не прегрешіи Тебѣ, ниже содеянія, яже азъ содеяхъ. Но сіе паки вемъ, яко не величество прегрешеній, ни греховъ множество превосходитъ Бога моего многое долготерпѣніе и человеколюбіе крайнее; но милостию сострастія тепле кающіяся, и чистиши, и свѣтлиши, и свѣта твориши причастники, общ-

ники Божества Твоего соделоваей незавѣстно, и странное и Ангелом, и человеческим мыслем, беседеуеши им многажды, якоже другом Твоим истинным. Сия дерзностна творят мя, сия вперяют мя, Христе мой. И дерзая Твоим богатым к нам благодеянием, радуясь вкупе и трепеща, огневи причащаюся, трава сый, и странно чудо, орошаемь неопально, якоже убо купина древле неопальне горящи. Ныне благодарною мыслию, благодарным же сердцем, благодарными удесы моими, души и тела моего, поклоняюся и величаю, и славословлю Тя, Боже мой, яко благословенна суща, ныне же и во веки.

Молитва святого Иоанна Златоуста, 7-я

Боже, ослаби, остави, прости ми согрешения моя, елика Ти согреших, аще словом, аще делом, аще помышлением, волею или неволею, разумом или неразумием, вся ми прости, яко благ и человеколюбец; и молитвами Пречистыя Твоея Матере, умных Твоих служителей, и святых сил, и всех святых, от века Тебе благоугодивших, неосужденно благоволи прияти ми святое и Пречистое Твое Тело и Честную Кровь, во исцеление души же и тела, и во очищение лукавых моих помышлений. Яко Твое есть царство и сила и слава, со Отцем и Святым Духом, ныне и присно и во веки веков. Аминь.

Его же, 8-я

Несмы доволѣн, Владыко Господи, да видѣши под кров души моея; но понѣже хощеши Ты, яко Человеколюбец, жити во мне, дерзая приступаю. Повелеваяеши, да отверзу двери, яже Ты един создал еси, и видѣши со человеколюбием якоже еси; видѣши и просвещаяеши помраченный мой помысл. Верую, яко сие сотвориши: не бо блудницу, со слезами пришедшую к Тебѣ, отгнал еси; ниже мытаря отвергнул еси покаявшася, ниже разбойника, познавша царство Твое, отгнал еси; ниже гонителя покаявшася оставил еси, еже бе: но от покаяния Тебѣ пришедшая вся, в лице Твоих друзей вчинил еси, Един сый благословенный всегда, ныне и в безконечныя веки. Аминь.

Его же, 9-я

Господи Иисусе Христе Боже мой, ослаби, остави, очисти и прости ми грешному, и непотребному, и недостойному рабу Твоему, прегрешения, и согрешения, и грехопадения моя, елика Ти от юности моея, даже до настоящего дне и часа согреших: аще в разуме и в неразумии, аще в словесех или делех, или помышлениях и мыслех, и начинаниях, и всех моих чувствах. И молитвами безсеменно рождшия Тя, Пречистыя и Приснодевы Марии, Матере Твоея, единыя непостыдныя надежды и предстательства и спасения моего, сподоби мя

неосуждённо причаститися пречистых, безсмертных, животворящих и страшных Твоих Таинств, во оставление грехов и в жизнь вечную: во освящение, и просвещение, крепость, исцеление, и здравие души же и тела, и в потребление и всесовершенное погубление лукавых моих помыслов, и помышлений, и предприятий, и ночных мечтаний, тёмных и лукавых духов; яко Твоё есть царство, и сила, и слава, и честь, и поклонение, со Отцем и Святым Твоим Духом, ныне и присно, и во веки веков. Аминь.

Молитва святого Иоанна Дамаскина, 10-я

Пред дверьми храма Твоего предстою, и лютых помышлений не отступаю; но Ты, Христе Боже, мытаря оправдивый, и хананею помиловавый, и разбойнику рая двери отверзый, отверзи ми утробы человеколюбия Твоего, и прими мя приходяща и прикасающуюся Тебе, яко блудницу, и кровоточивую: ова убо края ризы Твоея коснувшисья, удобь исцеление прият; ова же пречистей Твои ноге удержавши, разрешение грехов понесё. Аз же окаянный все Твоё Тело дерзая воспрियाти, да не опалён буду; но прими мя, якоже оныя, и просвети моя душевная чувства, попаляя моя греховныя вины, молитвами безсеменно Родшия Тя, и Небесных сил; яко благословён еси во веки веков. Аминь.

Молитва святого Иоанна Златоуста

Вѣрую, Гóсподи, и исповѣдую, я́ко Ты еси́ вои́стинну Христóс, Сын Бóга жива́го, пришѣ́дый в мир грѣшныя спасти́, от нѣхже пѣрвый есмь аз. Ещѣ́ вѣрую, я́ко сие́ есть са́мое пречѣ́стное Тѣло Твое́, и сія́ есть са́мая честна́я Кровь Твоя́. Молю́ся ўбо Тебѣ́: помѣлуй мя, и прости́ ми прегрѣшенія моя́, во́льная и нево́льная, я́же слóвом, я́же дѣлом, я́же вѣдением и невѣдением, и сподóби мя неосуждѣ́нно причастѣ́тися пречѣ́стных Твоѣ́х Та́инств, во оставленіе грехóв, и в жизнь вѣ́чную. Амѣнь.

Приходя же причаститься, произноси мысленно эти стихи Симеона Метафраста:

Се приступаю к Божественному Причащенію.
Содѣтелю, да не опали́ши мя приобщеніем:
Огнь бо еси́, недостóйныя поपालя́й.
Но ўбо очисти́ мя от вся́кя сквѣрны.

Затем:

Вѣчери Твоея́ та́йныя днесь, Сы́не Бóжий, причастника́ мя приими́; не бо врагóм Твоѣ́м та́йну повѣ́м, ни лобз́анія Ти дам, я́ко Иўда, но я́ко разбо́йник исповѣ́даю Тя: помяни́ мя, Гóсподи, во Ца́рствіи Твоѣ́м.

И стихи:

Боготворя́щую Кровь ужасни́ся, челове́че, зря:
Огнь бо есть, недостóйныя поपालя́й.
Божественное Тѣло и обожа́ет мя и пита́ет:
Обожа́ет дух, ум же пита́ет страна́но.

Потом тропари:

Услади́л мя еси́ любóвию, Христé, и измени́л мя еси́ Божéственным Твои́м рачéнием; но попали́ огнём неvēщественным грехи́ моя́, и насы́титися е́же в Тебé наслаждéния сподóби; да лику́я возвелича́ю, Бла́же, два пришéствия Твоя́.

Во свѣтлостехъ Святыхъ Твоихъ како вни́ду недостóйный? Аще бо дерзну́ совни́ти в черто́г, оде́жда мя облича́ет, я́ко несть бра́чна, и свя́зан извѣржен б́уду от Ангелов. Очи́сти, Го́споди, сквѣрну души́ моея́, и спаси́ мя, я́ко Человеколю́бец.

Также молитву:

Влады́ко Человеколю́бче, Го́споди Иису́се Христé Бо́же мой, да не в суд ми б́удут Святáя сия́, за е́же недостóйну ми б́ыти; но во очищéние и освящéние души́ же и тѣла, и во обручéние б́удущия ж́изни и ца́рствия. Мне же, е́же прилеплáтися Бо́гу, б́лаго есть, полага́ти во Го́споде упováние спасéния моего́.

И еще: Вѣчери Твоя́ тайныя...

Желающий причаститься должен достойно приготовить к этому Святому Таинству. Приготовление (в церковной практике оно называется говéнием) продолжается несколько дней и касается как телесной, так и духовной

жизни человека. Телу предписывается воздержание, т.е. телесная чистота и ограничение в пище (пост). В дни поста исключается пища животного происхождения – мясо, молоко, яйца и, при строгом посте, рыба. Хлеб, овощи, фрукты употребляются в умеренном количестве. Ум не должен рассеиваться по мелочам житейским и развлекаться. В дни говения надлежит посещать богослужение в храме, если позволяют обстоятельства, и более прилежно выполнять домашнее молитвенное правило: кто читает обычно не все утренние и вечерние молитвы, пусть читает все полностью, кто не читает каноны, пусть в эти дни читает хотя бы по одному канону. Накануне причащения надо быть на вечернем богослужении и прочитать дома, кроме обычных молитв на сон грядущим, канон покаянный ко Господу, каноны Богородице и Ангелу Хранителю, в нашем издании соединенные в трехканонник. Читается также канон из последования ко Причащению и, кто пожелает, – акафист Иисусу Сладчайшему. После полуночи уже не едят и не пьют, ибо принято приступать к Таинству Причащения натощак. Утром прочитываются утренние молитвы и молитвы ко Святому Причащению.

Перед Причащением необходима исповедь – вечером или утром, перед Литургией.

БЛАГОДАРСТВЕННЫЕ МОЛИТВЫ ПО СВЯТОМ ПРИЧАЩЕНИИ

Сла́ва Тебе́, Бо́же. Сла́ва Тебе́, Бо́же. Сла́ва Тебе́, Бо́же.

Благодарственная молитва, 1-я

Благодарю́, Тя, Го́споди Бо́же мой, я́ко не отрёнул мя еси́, грёшнаго, но о́бщника мя бы́ти святы́нь Твои́х сподо́бил еси́. Благодарю́ Тя, я́ко мене́ недосто́йнаго, причаститися пречи́стных Твои́х и небе́сных Даро́в сподо́бил еси́. Но Влады́ко Человеколю́бче, нас ра́ди умеры́й же и воскресы́й, и дарова́вый нам стра́шная сия́ и животворя́щая Та́инства, во благодея́ние и освяще́ние душ и теле́с на́ших, даждь бы́ти сим и мне во исцеле́ние душы́ же и те́ла, во отгна́ние вся́каго сопроти́внаго, в просвеще́ние о́чию се́рдца моего́, в мир душе́вных мои́х сил, в ве́ру непосты́дну, в любо́вь нелицеме́рну, во исполне́ние прему́дрости, в соблюде́ние за́поведей Твои́х, в приложе́ние Боже́ственных Твоея́ благода́ти и Твоего́ Ца́рствия присвое́ние, да во святы́ни Твое́й те́ми сохраня́емь, Твою́ благода́ть помина́ю всегда́, и не ктому́ себе́ живу́, но Тебе́, на́шему Влады́це и Благоде́телю; и та́ко сего́ жития́ изше́д о наде́жди

живота вѣчнаго, в присносу́щный достѣгну поко́й, иде́же прѣзднующих глас непрестанный, и безконѣчная сладость, зрящих Твоего́ лица́ доброту неизречѣнную, Ты бо еси́ истинное желаніе и неизречѣнное весѣліе лю́бящих Тя, Христѣ́ Бѣже наш, и Тя поёт вся тварь во вѣки. Ами́нь.

Молитва святого Васи́лия Великого, 2-я

Влады́ко Христѣ́ Бѣже, Царю́ веко́в и Содѣтелю всех, благодарю́ Тя о всех, я́же ми еси́ подал благѣх, и о причащѣнии пречѣстных и животворящих Твои́х Та́инств. Молю́ у́бо Тя, Бла́же и Человеколю́бче: сохрани́ мя под кро́вом Твои́м и в сѣни крилу́ Твоею; и да́руй ми чѣстою со́вестію, да́же до послѣдняго моего́ издыханія, досто́йно причащѣтися Святы́нь Твои́х во оставленіе грехо́в и в жизнь вѣчную. Ты бо еси́ Хлеб живото́ный, исто́чник святы́ни, податѣль благѣх, и Тебѣ́ сла́ву возсыла́ем, со Отце́м и Святы́м Ду́хом, ны́не и присно и во вѣки веко́в. Ами́нь.

Молитва Симеона Метафра́ста, 3-я

Да́вый пи́щу мне плоть Твою́ во́лею, огонь сый и опаля́яй недосто́йныя, да не опали́ши мене́, Содѣтелю мой; па́че же пройди́ во у́ды моя́, во вся соста́вы, во утробу, в се́рдце. Попали́ те́рние всех мои́х прегрешѣній. Ду́шу очѣисти, освяти́ помышлѣнія. Составы́ утверди́

с костьми вкупе. Чувств просвети простую пятерицу. Всего мя спригвозди страху Твоему. Присно покрый, соблюди же и сохрани мя от всякаго дела и слова душеленнаго. Очисти и омый и украси мя, удобри, вразуми и просвети мя. Покажи мя Твое селение единаго Духа, и не ктому селение греха. Да яко Твоего дому, входом причащения, яко огня мене бежит всяк злодей, всяка страсть. Молитвенники Тебе приношу вся святых, чиноначалия же бесплотных, Предтечу Твоего, премудрыя апостолы, к сим же Твою нескверную чистую Матерь, ихже мольбы, Благоутробне, прими, Христе мой, и сыном света содейлай Твоего служителя. Ты бо еси освящение и Единый наших, Блаже, душ и светлость, и Тебе лепоподобно, яко Богу и Владыце, славу вси возсылаем на всяк день.

Молитва 4-я

Тело Твое Святое, Господи Иисусе Христе Боже наш, да будет ми в живот вечный, и Кровь Твоя Честная во оставление грехов: буди же ми благодарение сие в радость, здравие и веселие; в страшное же и второе пришествие Твое сподоби мя, грешнаго, стати одесную славы Твоея, молитвами Пречистой Твоея Матере и всех святых.

Молитва ко Пресвятой Богородице, 5-я

Пресвятая Владычице Богородице, свете по-
мраченныя моея души, надеждо, покрове, при-
бежище, утешение, радование мое, благодарю
Тя, яко сподобила мя еси, недостойнаго, при-
частника быти Пречистаго Тела и Честныя
Крове Сына Твоего. Но рождашая истинный
Свет, просвети моя умныя очи сердца; Яже ис-
точник безсмертия рождашая, оживотвори мя,
умерщвленнаго грехом; Яже милостиваго Бога
любоблагоутробная Мати, помилуй мя и даждь
ми умиление и сокрушение в сердце моем, и
смирение в мыслех моих, и возвание в плене-
ных помышлений моих; и сподоби мя до по-
следняго издыхания, неосужденно приимати
Пречистых Таин освящение во исцеление ду-
ши же и тела. И подаждь ми слезы покаяния
и исповедания, во еже пети и славити Тя во
вся дни живота моего, яко благословенна и
препрославленна еси во веки. Аминь.

Ныне отпускаеши раба Твоего, Владыко, по
глаголу Твоему с миром, яко видеста очи мои
спасение Твое, еже еси уготовал пред лицем
всех людей, свет во откровение языков и сла-
ву людей Твоих Израиля.

Трисвятое. Пресвятая Троице: Отче наш:

Тропарь святому Иоанну Златоусту, глас 8-й

Уст твои́х, ꙗ́коже свѣтлость огня́, возсия́вши благода́ть, вселѣнную просвети́; не сребролю́бия ми́рови сокрово́ища сниска́, высоту́ нам смиренномуд́рия показá, но твои́ми словесы́ наказу́я, о́тче Иоáнне Златоу́сте, моли́ Сло́ва Христа́ Бо́га спасты́ся душа́м на́шим.

Кондак, глас 6-й

Сла́ва: От небѣс прия́л еси́ Божѣственную благода́ть, и твои́ми устна́ми вся учи́ши покланя́тися в Тро́ице Еди́ному Бо́гу, Иоáнне Златоу́сте всеблаже́нне, преподо́бне, досто́йно хва́лим тя: еси́ бо наста́вник, ꙗ́ко Божѣственная явля́я.

И ны́не: Предста́тельство христиа́н непосты́дное, ходата́йство ко Творцу́ непреложное, не презри грѣшных моле́ний гласы, но предвари́, ꙗ́ко Благо́я, на по́мощь нас, ве́рно зову́щих Ти: ускори́ на моли́тву и потщи́ся на умоле́ние, предста́тельствующи при́сно, Богоро́дице, чту́щих Тя.

**[Если Литургия святого Василия Великого,
читай тропарь святому Василию Великому, глас 1-й**

Во всю зѣмлю изы́де веща́ние твоѐ, ꙗ́ко приѐмшую сло́во твоѐ, ѿмже боголе́пно научи́л еси́, естество́ сущих уясни́л еси́, челове́ческия обы́чаи украси́л еси́, ца́рское свяще́ние, о́тче преподо́бне, моли́ Христа́ Бо́га, спасты́ся душа́м на́шим.

Кондак, глас 4-й

Сла́ва: Яви́лся еси́ основа́ние непоколеби́мое Цёркве, пода́я всем некра́домое господа́ство челове́ком, запечатле́я твои́ми велёньми, небоявле́нне Васи́лие преподо́бне.

И ны́не: Предста́тельство христиа́н...]

[Если Литургия Преждеосвященных Даров,
читай тропарь святому Григорию Двоеслову, глас 4-й

И́же от Бо́га свѣ́ше Божѣственную благода́ть восприѣм, сла́вне Григо́рие, и Того́ си́лю укрепля́емь, ева́нгельски шѣствовати изво́лил еси́. Отону́дуже у Христа́ возме́дие трудо́в прия́л еси́, всеблаже́нне: Егóже моли́, да спасѣт ду́ши на́ша.

Кондак, глас 3-й

Сла́ва: Подобонача́льник показáлся еси́ Нача́льника па́стырем Христа́, ино́ков чреды́, о́тче Григо́рие, ко о́граде небѣсней наставля́я, и отту́ду научи́л еси́ ста́до Христо́во за́поведем Егó: ны́не же с ни́ми радуешися, и лику́еши в небѣсных кро́вех.

И ны́не: Предста́тельство христиа́н...]

Го́споди, помилуй (12 раз).

Сла́ва, и ны́не:

Честне́йшую Херувим и сла́внейшую без сравне́ния Серафим, без истлѣния Бо́га Сло́ва ро́ждшую, су́щую Богородицу Тя велича́ем.

Сла́ва, и ны́не:

Го́споди, поми́луй. (Трижды.)

Го́споди Иису́се Христé, Сы́не Бо́жий, моли́твами Пречи́стыя Твоея́ Ма́тере, преподо́бных и богоно́сных оте́ц на́ших и всех святы́х поми́луй и спаси́ нас, я́ко Благ и Человеколю́бец. Ами́нь.

После причащения да пребывает каждый в чистоте, воздержании и немногословии, чтобы достойно сохранить в себе принятого Христа.



ЧАСЫ СВЯТОЙ ПАСХИ И ВСЕЙ СВЕТОЙ СЕДМИЦЫ

*(Читаются вместо утренних
и вечерних молитв на Светлой седмице.)*

Моли́твами святы́х оте́ц на́ших Го́споди Иису́се Христе́ Бо́же наш, поми́луй нас. Ами́нь.

Христо́с воскресе́ из ме́ртвых, сме́ртию смерть попра́в, и су́щим во гробе́х живо́т дарова́в. *(Трижды.)*

Воскресе́ние Христо́во ви́девше, поклонимся Свято́му Го́споду Иису́су, Еди́ному Безгре́шному. Кресту́ Твоему́ поклоня́емся, Христе́, и свято́е Воскресе́ние Твое́ поём и сла́вим: Ты бо еси́ Бог наш, ра́зве Тебе́ ино́го не знаём, и́мя Твое́ имену́ем. Прииди́те, вси ве́рнии, поклонимся свято́му Христо́ву Воскресе́нию: се бо прииде́ Крестомъ ра́дость всему́ ми́ру. Всегда́ благословя́ще Го́спода, поём воскресе́ние Егó: распя́тие бо претерпе́в, сме́ртию смерть разруши́. *(Трижды.)*

Ипако́и

Предварившия у́тро я́же о Ма́рии, и обрётшия ка́мень отвалён от грóба, слы́шаху от А́нгела: во све́те присносу́щнем Су́щаго с ме́ртвыми что и́щете, я́ко челове́ка? Ви́дите

гробныя пелены, тецѣте и міру проповѣдите, яко востá Господь, умертвѣвый смерть, яко есть Сын Бóга, спасающаго род человѣческій.

Кондак

Аще и во гроб снизшел еси, Безсмертне, но адову разрушил еси силу, и воскресл еси яко победитель, Христѣ Бóже, женам мироносицам вещавый: радуйтесь! И Твоим апостолом мир даруй, падшим подай воскресение.

Тропарь

Во гробе плóтски, во аде же с душею яко Бог, в рай же с разбойником, и на Престоле был еси, Христѣ, со Отцем и Духом, вся исполняяй, Неописанный.

Слава: Яко живонóсец, яко рай краснейший, воистинну и чертога всякаго царскаго показáся светлейший, Христѣ, гроб Твой, источник нашего воскресения.

И ныне: Вышняго освященное Божественное селение, радуйся, Тобою бо дадеся радость, Богородице, зовущим: благословенна Ты в женах еси, всенепорочная Владычице.

Господи, помилуй (40 раз).

Слава, и ныне:

Честнейшую Херувим и славнейшую без сравнения Серафим, без истления Бóга Слова рождшую, сущую Богородицу Тя величаем.

Христосъ воскресе из мѣртвыхъ, смѣртию смерть поправъ, и сущимъ во гробѣхъ живѳт даровавъ. (Трижды.)

Слава, и нынѣ:
Господи, помилуй. (Трижды.)

Воскресый из мѣртвыхъ Господи Иисусе Христе Сыне Божий, молитвами Пречистой Твоея Матере, преподобныхъ и Богоносныхъ отецъ нашихъ и всехъ святыхъ, помилуй и спаси насъ, яко Благъ и Человеколюбецъ. Аминь.



МОЛИТВЫ НА ВСЯКУЮ ПОТРЕБУ

Призывание помощи Божией во всяком добром деле

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Благодарение за всякое благодеяние Божие Тропарь, глас 4-й

Благодарни суще недостойнии раби Твои, Господи, о Твоих великих благодеяниях на нас бывших, славяще Тя хвалим, благословим, благодарим, поем и величаем Твое благоутробие, и рабски любовию вопием Ти: Благодетелю Спасе наш, слава Тебе.

Кондак, глас 3-й

Твоих благодеяний и даров туне, яко раби непотребнии, сподобльшися, Владыко, к Тебе усердно притекающе, благодарение по силе приносим, и Тебе яко Благодетеля и Творца славяще, вопием: слава Тебе, Боже Всещедрый.

Слава и ныне:

Богорóдичен:

Богорóдице, христиáном помóщнице, Твоé предстáтельство стяжáвше раб́и Тво́и, благо-
дárно Тебé вопиём: рáдуйся, Преч́истая Бого-
рóдице Дéво, и от всех нас бед Тво́ими молít-
вами всегда избáви, Ед́ина вскóре предстá-
тельствующая.

Молитва перед принятием пищи

Óтче наш... (см. с. 4) или:

Óчи всех на Тя, Гóсподи, упова́ют, и Ты даё-
ши им п́ищу во благоврémении, отверзáеши Ты
щéдную рúку Твою́ и исполня́еши всякое жи-
вóтно благоволéния.

Молитва после вкушения пищи

Благодарím Тя, Христé Бóже наш, я́ко насý-
тил ес́и нас земн́ых Тво́их благ; не лиш́и нас и
Небéснаго Твоего́ Цáрствия, но я́ко просредé
ученикóв Тво́их пришёл ес́и, Спа́се, мир дай́
им, приид́и к нам и спас́и нас.

О путешествующих

Тропарь, глас 2-й

Путь и йстина сый, Христé, спúтника А́нге-
ла Твоего́ рабóм Тво́им ны́не, я́коже Тов́ии
иногда́, посл́и сохраня́юща, и невред́имых, к
сла́ве Твое́й, от всякаго зла во всяком благопо-
лúчии соблюда́юща, молítвами Богорóдицы,
Ед́ине Человеколю́бче.

Кондак, глас 2-й

Луце и Клеопе во Еммаус спутешествовавый, Спасе, спешествуй и ныне рабом Твоим, спутешествовати хотящим, от всякаго избавляя их злаго обстояния: вся бо Ты, яко Человеколюбец, можеша хотай.

Молитва

Господи Иисусе Христе Боже наш, истинный и живый путь, состранствуй мнимо-му Твоему отцу Иосифу и Пречистой Ти Деве Матери во Египет изволивый, и Луце и Клеопе во Еммаус спутешествоваый! И ныне смиренно молим Тя, Владыко Пресвятый, и рабом Твоим сим Твоею благодатию спутешествуй. И якоже рабу Твоему Товии, Ангела хранителя и наставника послй, сохраняюща и избавляюща их от всякаго злаго обстояния видимых и невидимых врагов, и ко исполнению заповедей Твоих наставляюща, мирно же и благополучно и здраво препровождаяща, и паки цело и безмятежно возвращаяща; и даждь им все благое свое намерение ко благоугождению Твоему благополучно во славу Твою исполнити. Твое бо есть еже милovati и спасати нас, и Тебе славу возсылаем со Безначальным Твоим Отцем и со Пресвятым и Благим и Животворящим Твоим Духом, ныне и присно и во веки веков. Аминь.

**О болящих
Тропарь, глас 4-й**

Скóрый в заступлѣнии едѣн сый, Христѣ, скóрое свѣше покажи посещѣние страждущему рабѣ Твоему, (*имярек*), и избáви от недѹг и горьких болѣзней; и воздвѣгни во ѣже пѣти Тя и слáвити непрестáнно, молитвами Богородицы, Едѣне Человеколѹбче.

Кондак, глас 2-й

На одрѣ болѣзни лежащаго и смѣртною рáною уязвленнаго, якоже иногда воздвѣгл еси, Спасѣ, Петро́ву тѣщу и разслабленнаго на одрѣ носимаго; сице и ны́не, Милосѣрде, страждущаго посети́ и исцели́: Ты бо едѣн еси недѹги и болѣзни рóда нашего понесый и вся могый, я́ко Многомѣлостив.

Молитва

Влады́ко, Вседержителю, Святѣй Царю́, наказу́й и не умерщвля́й, утвержда́й низпадающия и возводя́й низверженныя, телесныя челове́ков скорби исправля́й, мо́лимся Тебе́, Бо́же наш, раба́ Твоего́, (*имярек*), немощствующа посети́ мѣлостию Твоею́, прости́ ему всякое согрѣшеніе вольное и невольное. Ей, Го́споди, врачѣбную Твою́ силу с небесе́ низпосли́, прикосни́ся телеси́, угаси́ огневицу, укроти́ страсть и всякую нѣмощь таящуюся, бѹди врач раба́ Твоего́, (*имярек*), воздвѣгни его́ от одра́ болѣзненнаго и от ло́жа озлоблѣния цѣла

и всесовершенство, даруй его Церкви Твоей благоугождающая и творящая волю Твою. Твое бо есть, еже миловати и спасати ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

**О ненавидящих и обидящих нас
Тропарь, глас 4-й**

О распенших Тя моливыйся, любодушне Господи, и рабом Твоим о вразех молитися повелевый, ненавидящих и обидящих нас прости, и от всякаго зла и лукавства к братолюбному и добродетельному настави жителству, смиренно мольбу Тебе приносим; да в согласном единомыслии славим Тя, Единого Человеколюбца.

Кондак, глас 5-й

Якоже первомученик Твой Стефан о убивающих его моляше Тя, Господи, и мы припадающе молим, ненавидящих и обидящих нас прости, во еже ни единому от них нас ради погибнути, но всем спастися благодатию Твоею, Боже всецелый.

Молитва за детей

Господи, Ты Един вся веши, вся можешь и всем хочешь спастися и в разум Истины приити. Вразуми чада моя (имена), даруй им познание истины Твоея и воли Твоея Святых и укрепи я, да ходят по заповедем Твоим и мене, грешную, помилуй.

Содержание

Молитвы утренние	3
Молитвы на сон грядущим	18
Трехканонник	34
Последование ко Святому Причащению	56
Благодарственные молитвы по Святом Причащении	81
Часы Святой Пасхи и всей Светлой седмицы	88
Молитвы на всякую потребу	91

ПРАВОСЛАВНЫЙ МОЛИТВОСЛОВ Издание Данилова мужского монастыря

Директор Издательства – С. Дубинкин
Главный редактор Издательства – В. Малягин

Лицензия ЛР № 030571 от 20 октября 1998 г.
Подписано в печать 11.12.2012. Формат 70×100¹/₃₂.
Тираж 20 000. Заказ №

Издательство «Даниловский благовестник»
115191, Москва, ул. Даниловский Вал, 10/12